



光緒順天府志

人物志
先賢三

ル 5
1481
45





1481
45

人物志三

先賢三

唐

南海廖廷相纂江陰繆荃孫覆輯

光緒順天府志九十三

祖孝孫

盧承慶弟承泰

盧莊道

盧照鄰

陽嶠

盧粲

張知謩

成三郎

平貞脊

盧履冰

盧鴻

盧若虛

張懷瓘

盧沔

盧巽

魯炅

張休

陳利貞

盧同

蔡廷玉

盧峴

王仲堪

盧羣

盧綸子簡能

簡求

盧邁

李景略

順天府志九十三

一



盧景亮

盧於陵

盧殷

高崇文

子承簡

劉頗

盧鈞

盧宏宣

賈島

盧士瓊

劉蕡

盧霽

張仲武

張允仲

盧渥

唐

祖孝孫幽州范陽人也祖崇孺以學業知名仕至齊州長史孝孫

博學曉厯算早以達識見稱舊書列傳開皇初詔太常牛宏議定律呂

於是博徵學者序論其法又未能決遇平江右得陳氏律管十二

枚并以付宏隋書律志宏引孝孫為協律郎舊書列傳遣曉音律者陳山

陽舊傳作陽山太守毛爽及太樂令蔡子元于普明等隋書律志與參定

雅樂毛爽妙知京房律法布瑄飛灰順月皆驗爽時年老宏恐失

其法於是奏孝孫從其受律舊書列傳孝孫推五音十二律為六十音

又六之有三百六十音旋相為宮因定廟樂諸儒論難竟不施用

舊書音志高祖受禪擢孝孫為著作郎歷吏部郎太常少卿漸見親

委孝孫由是奏請作樂時軍國多務未遑改創樂府尚用隋氏舊

文舊書列傳武德中受詔定正聲雅樂舊書竇威附傳舊傳言武德七年舊志言武德九年

貞觀二年奏之舊書音志孝孫又以陳梁舊樂襍用吳楚之音周齊

舊樂多涉胡戎之伎於是斟酌南北考以古音作大唐雅樂以十

二月各順其律旋相為宮制十二樂合三十二曲八十四調舊書列傳

祭園丘以黃鍾為宮方澤以林鍾為宮宗廟以太簇為宮五郊朝

賀饗宴則隨月用律為宮初隋俱用黃鍾一宮惟扣七鍾餘五鍾

虛縣不扣及孝孫建旋宮之法皆偏扣鍾無復虛縣者矣舊書音志

旋宮之義亡絕已久世莫能知一朝復古自孝孫始也孝孫卒其

後協律郎張文收復采三禮增損樂章然因孝孫本音舊書初高

祖將治新厯東都道士傅仁均善推步之學太史令庾儉傳奕薦

之詔仁均與儉等參議合受命歲名為戊寅元厯二年用之三年

朔望比不効新書中書令封德彝奏厯術差謬敕孝孫考其得失

舊書傳仁均傳孝孫使算厯博士王孝通以甲辰厯法詰之仁均對曰宋

祖冲之立歲差隋張胄元等因而修之雖差數不同各明其意孝

通未曉乃執南斗為冬至冬至自有常數朔名由於月起月行遲

疾匪常三端安得即合故必須日月相合與至同日者乃為合朔

冬至耳孝孫以為然但畧去尤疏濶者新書

盧承慶字子餘幽州涿人隋散騎侍郎思道之孫父赤松為河東

令與高祖雅故聞兵興迎見霍邑拜行臺兵部郎中終太子二字

唐書宰相世率更令范陽郡公新書承慶美風儀博學有才幹少襲

父曾貞觀初為秦州都督戶曹參軍因奏河西軍事太宗奇其明

辯擢拜考功員外郎累遷民部侍郎舊書列傳通典職官引作

舉不掌戶版列傳較是且天寶十一帝問厯代戶版承慶敘夏商

至周隋增損曲折引據該詳帝嗟賞新書二十二年兼檢校兵部

侍郎知五品選事承慶辭曰五品選事職在尚書臣今掌之便是

越局太宗不許曰朕今信卿卿何不自信也通典二厯雍州別駕

尚書左丞新書承慶初為褚遂良所搆出為益州大都督府長史

遂良俄又求索承慶在雍州舊事奏之由是左遷簡州司馬歲餘

轉洪州長史舊書帝將幸汝溫泉拜汝州刺史新書入為光祿卿

顯慶四年代杜正倫為度支尚書舊書列傳案新書宰相表杜

尚書九月兼中書令三年十一月貶橫州刺史承慶既代正倫為

三品當亦闕疑之意然上書拜汝州刺史下即書參知政事同中

以度支尚書未免疏畧今仍從舊書以存疑焉

書門下三品新書宰相表 坐度支失所出為潤州刺史再遷雍州長史

舊書 總章初為吏部尚書大新唐 二年代李乾祐為刑部尚書以年

老請致仕許之仍加金紫光祿大夫三年病卒年七十六舊書 臨

終誠其子曰死生至理猶朝有暮吾死斂以常服晦朔無薦牲葬

勿卜日器用陶漆棺而不椁墳高可識碑志著官號年月無用虛

文贈幽州都督諡曰定新書 初承慶為吏部考內外官一官督運

遭風失米考之曰監運損糧考中下其人容止自若無一言而退

承慶重其雅量改注曰非力所及考中中既無喜容亦無愧詞又

改注曰寵辱不驚考中上隋唐嘉話又 其能著人善類此新舊 弟

承業亦有學識舊書 繼為雍州長史尚書左丞有能名承業弟承

泰舊書 列傳 有人倫鑒舊書 盧承 長安初為雍

承泰字舊書 子誤 齊卿新書 盧承 慶附傳 有人倫鑒舊書 盧承 慶附傳 長安初為雍

州參軍武后詔長史薛季昶舊書 季昶列良吏傳訪於齊卿齊卿白長

安尉盧懷慎李休光萬年尉李父崔湜咸陽丞倪若水蓋屋尉田

崇璧新豐尉崔日用季昶用其言後皆為通顯巨人新書 開元初

為幽州原作幽州誤 刺史舊書 而張守珪隸果毅新書 齊卿器之

引與共榻坐謂曰不十年子當節度是州為國重將願以子孫託

可寮屬相期邪新書 張守珪傳已而果然新書 齊卿之少也孫思邈日後

十年位方伯吾孫為屬吏願自愛時孫思邈之孫溥尚末生及溥

為蕭丞而齊卿徐州刺史新書 孫思邈傳 大唐新語載王希夷

事希夷曰孔子云己所不欲勿施於人可齊卿喜飲酒踰斗不亂

以終身行之矣則齊卿又嘗為徂徠刺史齊卿喜飲酒踰斗不亂

寬厚樂易士友以此親之終太子詹事廣陽縣公新書 附傳 相世系表作廣

公 陽郡 盧莊道范陽涿郡人新書 宰相 年十三造於父友高士廉以故人

盧莊道范陽涿郡人

新書宰相世系表

年十三造於父友高士廉以故人

子引坐會有獻書者莊道竊視之謂士廉曰此文莊道所作士廉甚怪之曰後生何輕薄之行莊道請諷之果通復請倒諷又通士廉請敘良久莊道謝曰此文實非莊道所作向窺記之耳士廉即取他文及案牘試之一覽倒諷并呈已作文章士廉俱以聞太宗召見策試擢第十六授河南尉滿復制舉擢甲科召見太宗識之曰此是朕聰明小兒邪授長安尉太宗將錄囚徒京宰以莊道幼年懼不舉欲以他尉代之莊道不從但閑暇不知省也時繫囚四百餘人令丞深以為懼翌日太宗召囚莊道乃徐狀以進引諸囚入莊道評其輕重留繫月日應對如神太宗驚異即日拜監察御史大唐新語刑部員外郎宰相世系表

盧照鄰字昇之幽州范陽人也年十餘歲從曹憲王義方授蒼雅及經史初授鄧王府典籤舊書文苑傳王有書十二車照鄰總披覽畧

能記憶朝野僉載博學善屬文王愛重之舊書列傳謂人曰此吾之相如也

新書文苑傳後為益州新都縣尉放曠詩酒朝野僉載與王勃楊炯駱賓王

皆以文章齊名天下稱王楊盧駱號四傑炯嘗曰吾愧在盧前恥

居王後議者謂然新書王勃傳朝野僉載又言世稱王楊盧駱

病去官居太白山新書列傳師事孫思邈問愈疾養性之要新書孫思邈傳得

方士元明膏餌之會父喪號嘔丹輒出由是疾益甚客東龍門山

布衣藜藿裴瑾之韋方質盧集作方賢誤范履冰等時供衣藥疾甚手足

孱廢乃去具茨山下買園數十畝疏潁水周舍復豫為墓偃卧其

中新書列傳照鄰曾有橫事被拘為羣小所使將致之深議友人護救

得免盧集窮鳥賦自序自以當高宗時尙吏已獨儒武后尙法已獨黃老

封嵩山屢聘賢士已獨廢著五悲文新書列傳頗有騷人之風舊書列傳照

鄰家咸亨中良賤百口自丁家難私門凋喪不幸遇疾破產供醫

晚更信佛法

盧集寄裴舍人書

蓋文士之極坎壈者已

提要四庫

病既久與

親屬訣自沈頴水

新書列傳

時年四十

舊書列傳

著幽憂子

朝野僉載

文集二十

卷兄光乘亦知名長壽中為隴州刺史

舊書列傳

陽嶠北平無終人休之元孫為詹事司直時左臺中丞桓彥範右

臺中丞袁恕己共薦嶠為御史楊再思曰嶠不樂搏擊之任如何

彥範曰為官擇人豈必待其所欲所不欲者尤須與之所以長難

進之風抑躁求之路乃擢為右臺侍御史

通鑑二百七

盧粲 新書宰相世系表作璨 幽州范陽人後魏侍中陽烏五代孫祖彥卿撰

後魏紀二十卷

新書藝文志作三十三卷

行於時官至合肥令

新書儒學傳宰相世系表作

石門

東宮學士

宰相世系表

叔父行嘉亦有學涉高宗時為雍王記室

粲博覽經史弱冠擢進士

舊書列傳

神龍中

舊書作景龍二年案中宗紀節愍太子之立 在神龍

二年七月明年九月改元景龍而太子早已討武三思死舊書誤

遷給事中時節愍太子立韋后

疾之諷中宗以衛府封物給東宮粲駁奏太子七鬯主歲時服用

宜取於百司周禮諸用財器歲終則會唯王及太子不會今乃與

諸王等夷非所謂憲章古昔者詔可 新書儒學傳 後安樂公主壻武崇

訓為節愍太子所殺特追封為魯王令司農少卿趙履溫監護葬

事履溫諷公主奏請依永泰公主故事為崇訓造陵

舊書列傳 粲曰凡

王公主墓無稱陵者惟永泰主事出特制非後人所援崇訓塋兆

請視諸王詔曰安樂公主與永泰不異崇訓於主當同穴為陵不

疑粲固執以陵之稱本施尊極雖崇訓之親不及雍王雍墓不稱

陵崇訓緣主而得假是名哉

新書列傳

帝竟依粲所奏

舊書列傳

公主怒出

粲為陳州刺史粲曰苟所論得行雖遠何憚開元初為祕書少監

累封固安縣侯終邠王傳諡曰景

新書列傳

張知睿字匪躬幽州方城人

案唐幽州無方城舊書地理志固安下云今治城漢方城縣地史家蓋沿

用晉魏舊名也舊書徙家岐新書少與兄知元知晦勵志讀書皆以

明經擢第儀質瓌偉眉目疏朗舊書曉吏治清介自守公卿爭為

引重調露時知審監察御史襄行歷十一州刺史所莅有威嚴武

后降璽書存問萬歲通天中自德州刺史入計后奇其貌詔工圖

之稱其兄弟容而才謂之兩絕又門皆列戟白雀巢其庭后數寵

賜新書時人稱之中宗以廬陵王安置房州舊書禁察苛嚴知審

為刺史新書獨待遇以禮通鑑二百八供儼保戴不少弛帝復位拜左

衛將軍加雲麾將軍封范陽郡公歷東都副留守左右羽林大將

軍同華州刺史大理卿致仕新書開元中卒年八十知審敏於從

政性亮直舊書惡請謁求進士或不才冒位視之若仇每敕子孫

經不明不得舉家法可稱云新書

成三郎通鑑幽州漁陽人也光宅元年舊書原脫元字案通典職

韜衛三郎即以是年為左豹韜衛長上果毅李孝逸之討徐敬業

以為前鋒舊書忠義傳敬業屯高郵之下阿溪勒兵拒守後軍總管蘇

孝祥夜將五千人以小舟度溪先擊之兵敗孝祥死士卒赴溪溺

死者過半三郎為敬業所擒通鑑二百三送於江都唐之奇給其眾曰

此李孝逸也將斬之舊書三郎大呼曰我果毅成三郎非李將軍

也官軍今大至矣爾曹破在朝夕我死妻子受榮爾死妻子籍沒

爾終不及我也遂斬之通鑑二百三敬業平贈左監門將軍諡曰勇舊書

平貞睿字密一字間從燕國薊人北齊司空鑒之曾孫敦龐沈靜

直方簡易始以司成館進士補盧州慎縣尉刺史盧寶元舉器藏

下僚轉冀州大都督府曲沃縣尉換晉州洪洞縣主簿陽道昕推

以孝友資身裴知禮薦以經邦興化徙雍州新豐縣尉盧少儒引

為檢點判官休議登聞擢監察御史裏行奉使黔中監選有牂柯
謝鳳節仁奏罷漢官專任首領貞脊上其挾奸樹黨俶擾蕃落天
子悟焉再使置吏夷騷旋定又駟牧在野攘竊是繁耗以歲月莫
之禁禦貞脊表監官斛斯果之輩奪職者九人沒賊者萬計牧圍
知禁思無邪矣聞耀問吐蕃侵境師旅不給乃購運酬勳募耕入
選利之所在詐亦居焉貞脊與大理正王守一於河蘭鄯廓四州
推獲僂羅王希古盧種王誦其徒二千餘人正處其罪授監察御
史內難去職居喪過毀光宅初服闋授右臺監察御史巡察河南
澄清郡邑昇賢弊罪能執其中類功拜右肅政殿中侍御史再拜
司勳員外郎永昌中遭凶黨網羅為周興所奏貶温州固安令州
特舉清白改鴻州櫟陽令誠結無欺獄犴自靜詔書嘉譽加朝散
大夫又羅密徒貝錦為河內所鞠降括州員外司倉尋事白進吉

州司馬神龍中興拜司門郎中除衛王司馬拜左庶子以節愍之
禍出為涪州刺史轉盧州司馬致仕景龍中復起左諭德兼榮文
館學士詔加銀青光祿大夫又攝詹事東都留守拜常州刺史居
歲餘優詔致仕先天元年薨年八十七撰張說平君神道碑孝經義養德
傳新書藝文志注云卷七淳孝友悌傳各一篇先君親友傳十卷家譜家誌
各十卷河南巡察記十卷文集十卷行於代神道碑

盧履冰幽州范陽人元魏都官尙書義僖五世孫開元五年仕歷
右補闕建言古者父在為母舂徹靈而心喪武后始請同父三年
非是請如禮便元宗疑之又以舅嫂叔服未安新書儒學傳勅令眾議
於是羣議分拏各安積習舊書禮儀志刑部郎中田再思日會禮之家
比聚訟循古不必是而行今未必非父在為母三年高宗實行之
著令已久何必乖先帝之旨闕人子之情愛一舂服於其親使與

伯叔母姑姊妹同嫂叔舅甥服太宗實制之閱百年無異論不可
 收履冰因言上元中父在為母三年后雖請未用也逮垂拱始行
 之至有祖父母在而子孫歸後行服再暮不可謂宜禮女子無專
 道故曰家無二尊父在為母服暮統一尊也今不正其失恐後世
 復有婦奪夫之敗不可不察書留未下履冰即極陳父在為母立
 几筵者一暮心喪者再暮父必三年而後娶以達子之志夫聖人
 豈蔑情於所生固有意於天下昔武后陰儲篡謀豫自光崇升暮
 齊抗斬衰俄而乘陵唐家以啟釁階孝和僅得反正韋氏復出醜
 殺天子幾亡宗社故臣將以正夫婦之綱非特母子間也議者或
 言降母服非詩所謂罔極者而又與伯叔母姑姊妹等且斬衰已
 有升降則歲月不容異也此迂生鄙儒未習先王之旨安足議夫
 禮哉罔極者春秋祭祀以時思之君子有終身之憂謂何限一暮

二暮服哉聖人之於禮必建中制使賢不肖共成文理而後釋彼

伯叔姑姊烏有筵杖之制三年心喪乎母齊父斬不易之道也案

冰疏詳載舊書禮儀志今從新傳節錄左散騎常侍褚無量以履冰議為是通鑑二百十二

元行冲議請據古為適弗報新書諸人爭論連年不決通鑑二百十二至

七年下勅諸服紀一依喪服文舊書禮儀志後履冰以官卒新書

盧鴻案舊書傳作鴻一紀及新傳皆作鴻通鑑亦作鴻考異云案

字顯然新書本范陽人徙家洛陽舊唐書博學善書籍新書隱於

嵩山開元初遣幣禮再徵不至舊書五年正月幸東都舊書元宗

紀又云二月自東都自字當衍詔曰鴻有泰一之道中庸之德

鉤深詣微確乎自高詔書屢下每輒辭託使朕虛心引領於今數

年雖得素履幽人之介而失考父滋恭之詣豈朝廷之故與生趣

殊邪將縱欲山林往而不能返乎禮有大倫君臣之義不可廢也

今城闕密邇不足為勞有司其齊束帛之具重宣茲旨想有以翻

然易節副朕意焉六年二字據舊書紀鴻至東都謁見不拜新書傳及通鑑補

但馨折而已大唐新語宰相遣通事舍人問狀答曰禮者忠信所薄臣

敢以忠信見帝召升內殿置酒拜諫議大夫新書賜以章服并辭

不受大唐人唐新語復下制許還山歲給米百斛絹五十四四字據舊傳補

百府縣為致其家朝廷得失其以狀聞將行賜隱居服官營草堂

恩禮殊渥鴻到山中廣學廬聚徒至五百人及卒帝賜萬錢鴻所

居室自號甯極云新書

盧若虛幽州范陽人新書盧藏父敬有名於時官至魏州司馬舊書

列傳新書傳京兆功曹開元十九年置先師太公廟若虛錄太

表皆作長史公之後四十八姓刻石為記封氏聞見記多才博物隴西辛怡諫為職

方有獲異鼠者豹首虎臆大如拳怡諫謂之鼯鼠而賦之若虛曰

非也此許慎所謂鼯鼠豹文而形小一坐驚服終起居郎宰相世系表作

起居舍人集賢院學士新書附傳

張懷瓘涿人與弟懷環俱有文學善草隸幾輔唐志懷環自謂真

行可比虞褚草書獨步數百年間開元中翰林院供奉著書斷三

卷評書樂石論一卷古文大篆書祖一卷書佑書議六體論用筆

十法等篇傳於世懷環官至翰林集賢兩院侍書侍讀學士涿州吳志

盧沔范陽人任巴州成化縣令純深貞特廉孝絜矩夏大旱偶有

事於文宣公焚香至誠雷出自廟指顧倏忽霈然滂沱自下車數

月有感輒應頃因祠宇荒僻垣墉頽圯出家財以資匠費自甲至

癸不及旬而功已集君子曰盧侯以心感神以身律人可謂善政

也已矣巴州成縣新移文宣王廟頌

盧巽范陽人安祿山陷覆洛京以偽職淫刑脅劫士庶巽潛遁於

陸渾山食木實飲泉水者二年訖不為逆命所汙及肅宗嗣位詔河南尹薛伯連搜訪不仕賊庭隱藏山谷者伯連得六人以應詔而巽在焉繇是名節聞於朝野君子以為知道優詔褒美白居易張公神

道碑

魯吳幽州薊人長七尺餘畧通書史以蔭補左羽林長新書天寶

六年隴右節度使哥舒翰引為別奏舊書顏真卿當使隴右謂翰

曰君與郎將總節制亦嘗得人乎吳時立階下翰指曰是當為節

度使從破石堡城收河曲遷左武衛將軍後復以破吐蕃跳盪功

除右領軍大將軍安祿山反拜上洛太守將行於帝前畫攻守勢

遷南陽太守兼守捉防禦使封金鄉公尋為南陽節度使原作山

使案方鎮表至德元載升南陽防禦節度使二載升襄陽防禦使

為山南東道節度使廣德元年升山南西道防禦為節度使舊書

列傳新書本紀及通鑑皆以嶺南黔中山南東道子弟五萬屯滢

作南陽節度使今據改之

水南賊將武令珣畢思琛等擊之眾欲戰吳不可賊右趨乘風縱

火鬱氣奔營士不可止負扉走賊矢如雨吳與中人薛道挺身走

舉眾沒賊吳孳散兵保南陽新書列傳通鑑考異引元宗實為

賊所圍尋而潼關失守賊使哥舒翰招之不從舊書報書讓翰不

死哥舒使武令珣攻之田承嗣繼往新書列傳此上云令珣死案

嗣令珣奔河北通鑑考異引唐歷慶緒據鄴武

令珣自唐鄧至然則云令珣死者誤也今刪去穎川來瑱襄陽魏

仲犀合兵援吳新書犀遣弟孟馴將兵至明府橋望風敗走舊書

吳城中食盡煮牛皮筋角食之舊書米斗五十千一鼠四百餓

者枕藉朝廷遣使者曹日昇宣尉加吳特進太僕卿不得入日昇

請單騎致命中官請以兩騎助仲犀益騎凡十輩賊望見知皆銳

兵不敢擊遂入致命人心益固日昇復以騎趨襄陽領兵千由音

聲道運糧餉新書列傳又得相持數月吳在圍中一年舊書晝夜戰至

人相食卒無救至德二載五月乃率眾突圍走襄陽承嗣尾擊吳
 殊死戰二日斬獲甚眾賊引去拜御史大夫襄鄧十州節度使會
 二京平賊走河北時襄陽數百里鄉聚蕩然舉無樵煙初賊欲剽
 亂江湖賴吳適扼其衝故南夏以完策勳封岐國公實封二百戶
 新書列傳加開府儀同三司舊書來乾元二年又加淮西節度使鄧州
 刺史與九節度圍安慶緒於相州吳領淮西襄陽兩鎮步卒萬人
 騎三百明年與史思明戰安陽新書殺傷相半通鑑二吳中流矢
 輒奔新書大風忽起吹沙拔木天地晝晦兩軍大驚通鑑二百諸
 節度潰去舊書時諸節度以回紇戰敗退散所過剽奪而吳軍尤甚有詔來瑱節
 度淮西徙吳鄭陳毫節度使至新鄭聞郭子儀整軍屯穀水李光
 弼還太原吳羞惴新書仰藥而卒吳竭節保邦舊書蹈危效死料
 敵雖非其良事君不失為忠舊書年五十七新書列傳

張休字祥幽州范陽人起家石亭別將為縣令軍司馬州長史各
 一入為天子友儲君臣雖假以寵名而迹實戎索受命為范陽節
 度安祿山判官祿山以大權大寵外示忠而內謀逆大上皇推赤
 心而勿疑敢有聞之者死休密言其戎狄豺狼不可厭也當是時
 視鼎鑊如歸焉牧濠舒潤三州及洪州於是撤其帷帳薦蓐之具
 便於身悅於目者二百餘物歸之有司減其俸錢稍食月幾十萬
 貫於軍府平百貨之貴賤議刑罰之等差減承城吏卒幾三千歸
 之隴畝而擊柝之守無闕賦豪富帶財數百萬賜於館籛而含糗
 之徒不知從政三月州人愛之如父母昔張庭珪牧此州甚得人
 譽張九齡次之迨休又有裕焉故邦人有三張之目拜御史中丞
 廣州刺史嶺南節度經畧觀察使國人懷慕罔極揚名頌德崔佑甫張
 公遺愛碑頌廣德元年官市舶使呂太一逐休縱下大掠廣州舊書代
 宗紀

陳利貞幽州范陽人初為平盧將安祿山亂從李光弼軍河南光弼傳安史之亂光弼皆張巡被圍睢陽光弼遣郝廷玉及利貞救轉戰河北南疑北之譌

之輕騎出入廷玉稱為勝己以子妻之及歸薦於光弼新書李光弼附傳

案通鑑張巡被圍睢陽一在至德二年正月一在三月奇復攻睢

時光弼方拒守太原被圍孔亟何暇遣救至三月尹子奇復攻睢

陽攻之巡傳但言賀蘭進明屯臨淮許叔冀尙急兵不出至真

莫肯救巡使南霽雲如叔冀請師不應如臨淮告急兵不出至真

源李賁遺馬百匹次甯陵得城使廉坦兵三千夜冒圍入賊知外

援絕圍益急巡亡三日而張鎬救至云云未聞有光弼救兵當時

若果有此救兵則睢陽何至於建中四年李希烈反新書德宗紀詔哥

舒曜東討利貞為前鋒次郟城賊眾大集利貞出兵五百橫擣其

右新書破之希烈勢沮通鑑二百二十八及希烈攻曜襄城利貞登陴捍

守七十日未嘗櫛沐非議事不下城朱泚反利貞及張廷芝所統

士皆幽薊河隴人故與廷芝合謀應泚而利貞麾下亦從為亂夜

半難作利貞拔劍當軍門大諱曰欲過門者先殺我眾畏其鋒乃

止廷芝出奔德宗嘉之擢汝州防禦使貞元五年疽發首卒遺觀

察使崔縱書自陳受國恩恨不得死所云新書附傳

盧同范陽人新書宰相明哲學問孝不懈禮不遺弱冠舉孝廉授

舒州望江縣丞宰相世系表及韓愈盧君墓誌銘皆作縣令年四十四終子東美梁肅

縣丞盧君墓誌始冠通詩書與其徒羣口講說周孔以相磨礪浸灌婆娑

嬉游韓愈考功員外永泰中與崔造韓會張正則為友皆僑居上

元好談經濟之畧嘗以王佐自許時人號為四夔舊書崔造傳大歷初

御史大夫李栖筠由工部侍郎為浙西觀察使韓愈引為賓僚崔

傳其後為太常博士韓愈撰銘協律郎梁肅撰誌監察御史河南府司錄考

功員外郎在官舉其職年六十六而終韓愈撰銘

蔡廷玉幽州昌平人與朱泚同里閏少相狎近新書忠義傳大歷七年

泚拜盧龍節度使新書朱泚列傳奏署幕府廷玉有沈畧善與人交內外

頭天府志九十三

愛附泚多所吞叩數遣至京師是時幽州兵最强財雄士驕悍日
思吞并不知有上下禮法廷玉語泚曰古未有不臣而能推福及
子孫者公南聯趙魏北結奚虜兵多地險然非永安計一日趙魏
反噬公乃沸鼎魚耳不如奉天子剗多難可勒勳鼎彝泚善之廷
玉陰欲耗其力諷泚出金幣禮士又勸歸貢賦助天子經費獻牛
馬係道儲膾為單因勸泚入朝諸校怒縛辱之囚歲餘廷玉無撓
辭泚不能屈待之如初廷玉有建白泚腹心朱體微輒左右之故
泚愈信桀傲稍革廷玉遂藏朝事泚乃奏涿薊瀛莫州為軍置團
練使以支郡隸屬盧龍軍稍削新書泚弟滔戍還謀奪泚兵詭說
泚入朝新書朱滔傳泚乃以軍屬滔廷玉體微共白泚公入朝為功臣
首後務至重須誠信者乃可付滔雖大弟多變不情如假以兵是
嫁之禍也泚不聽二人隨泚到朝德宗為太子時知廷玉名及見

禮眷殊渥泚統幽州行營為涇原鳳翔節度使詔廷玉以大理少

卿為司馬體微為要籍新書列傳廷玉惡判官鄭雲遠奏貶莫州參軍

新書雲遠傳作平州雲遠妻滔之女也滔復奏為掌書記雲遠深構廷玉於

滔通鑑二百二十七滔有請於泚或不順廷玉必折之俾循故法新書後

滔南討有功雲遠數激怒之滔乃抗表論廷玉等離間骨肉舊書

通鑑二百二十七泚患滔奪其軍不從會滔以幽

州叛帝示滔表而泚亦自發其書乃歸罪於二人貶廷玉柳州司

戶參軍體微南浦尉以慰滔滔使謀伺諸朝日上若不殺廷玉當

謫去得東出洛我且縛致麾下支解之將行帝勞廷玉曰爾姑行

為國受屈歲中當還廷玉至藍田驛人白左巡使鄭詹商於道險不

可往詹追使趨潼關通鑑言鄭詹誤遞文符至昭應送之廷玉以

為執已送滔通鑑二百二十七告子少誠少良曰我為天子不血刃下幽十

一城欲裂其壤使不得桀而敗於將成天助逆邪今吏使我出東都此殆酒計吾不可以辱國比至靈寶自投於河帝閔廷玉忠歸其柩厚賻之李晟平朱泚少誠等適終喪晟表旬追贈廷玉并官二子帝方招來酒寢其奏遂已

新書列傳

盧峴范陽人直方謙厚筮仕三次不雜州縣之職日亳州蒙城主簿楚州保應縣尉潤州丹陽縣丞寬敬莅事不希名譽時議多之

大歷九年終年五十五

權德輿盧君墓誌銘

王仲堪其先太原人五代祖冲徙居幽州安次縣又為邑人也曾祖揆王父幹儒墨傳家以孝弟自任考令仙蘊孫吳之術好立奇功累以勳伐稍遷大理評事仲堪生而奇嶷齠年志學弱冠為燕趙間人經史該通詞藻豔發大歷七年進士擢第解褐太原府參軍事丁憂服闋授幽州大都督府戶曹參軍以能轉兵曹名檢標

舉局無留事充節度參謀拜監察御史奉使於蒲十三年旋車暴

殂年六十四

王叔平太原王公墓誌銘

盧羣字載初范陽人少學於大安山

舊書列傳唐書作垂山

新讀書業成東

遊淮海

南書

淮南節度使陳少遊聞其名作為從事建中末薦於

朝南書羣言羣求索得千緡西之長安聞桑道茂善相術車馬之口將求一言於是桑生昌言子時賢不旬辰之內凡京國重位名士皆造羣門同力申薦代宗聞其名召見拜拾遺與此互異蓋未足據

會李希烈受詔諸將討之以羣為監察御史江西行營糧料使興元二年江西節度嗣曹王皋奏為判官

舊書列傳

皋徙荆襄皆從

其府以勁正聞

新書列傳

貞元六年入拜侍御史

舊書列傳

郭子儀家與嬖

人張昆弟訟財不平又言嬖人宅匿珍寶德宗促案之羣奏言子儀有大勳德今所訟皆其家事且嬖人宅子儀昔昇之非子弟所宜言請赦勿問從之人謂羣識大體累遷兵部郎中

新書列傳淮西節

度使吳少誠擅開決司洧等水漕輓漑田遣中使止之少誠不奉

詔令羣使蔡州詰之舊書少誠曰是於人有利羣曰臣道貴恭恪

所以為順也專命廢順雖利何有且怠於事上者固不能責其下

矣少誠聽命新書羣有口辨好談論舊書又為陳古今成敗事逆

順禍福皆有效所以感動之少誠竦然既置酒賦詩又歌以慰之

少誠感悅不敢桀新書羣博涉多所許與使反側之地天子以為

任事柳宗元先君石表陰先友記遷檢校秘書監兼御史中丞義成軍節度行

軍司馬貞元十六年節度姚南仲歸朝拜羣義成軍節度使舊書

原作天成軍案地理志有義成無天成柳宗元先友記亦作義成姚南仲傳亦然今據改羣嘗客居於鄭

之圃田鄭質良田以耕至是則出券貸直以田歸其人卒年五十

九贈工部尚書新書列傳

盧綸字允言新書文苑志范陽人後徙家於蒲舊書盧簡辭傳案新

世系表仍列范陽四房今從舊書收入天寶亂客鄆陽新書列傳舊書言天寶末

言入歲始讀書四方遂有兵是月胡入洛明年天隕星因浮襄江

流遠寄鄆陽城云云則天寶之亂綸時尚幼恐未舉進士也今不

取與郡人吉中孚為林泉友舊書盧大厯初數舉進士不第元載

取綸文以進補闕鄉尉累遷監察御史輒稱疾去新書宰相王縉

奏為集賢學士秘書省校書郎王縉兄弟有詩名於世所辟皆辭

人名士以綸能詩禮待逾厚舊書盧簡辭傳案元載王縉二事

鄉留別詩及卧病寓居龍興寺詩自注云時子罷推官又有元日

早朝呈故省諸公詩及元日朝回寄南宮二故人詩自稱郎吏則

新舊書所載皆不十二年紀及宰相表縉得罪坐累久之調陝府

戶曹河南密縣令建中初為昭應令舊書列傳渾瑊率河中辟元帥判

官累遷檢校戶部郎中嘗朝京師是時舅韋渠牟得幸德宗表其

才召見禁中帝有所作輒使廣和異日問渠牟盧綸何在答曰綸

從渾瑊在河中驛召之會卒綸與吉中孚韓翃錢起司空曙苗發

崔峒耿漳夏侯審李端皆能詩齊名號大厯十才子新書列傳而情辭

捷麗綸作尤工舊書盧簡辭傳憲宗詔中書舍人張仲素訪集遺文文宗

尤愛其詩問宰相綸文幾何亦有子否李德裕對綸四子簡能簡

辭宏正簡求皆擢進士第在臺閣遣中人悉索家笥得詩五百篇

以聞新書列傳新書藝文志盧綸詩集十卷

簡能字子拙登第後再辟藩府入為監察御史駕部員外檢校司

封郎中舊書盧簡辭附傳太和九年李訓鄭注謀誅宦官舊書文宗紀乃出注

使鎮鳳翔外為助援新書李訓傳注請僚屬於訓訓與舒元興謀終殺

注慮其豪傑為助更擇臺閣長厚者以簡能為判官新書鄭及訓

敗注誅簡能為監軍使所害舊書附傳子知猷字子暮中進士第登宏

辭補秘書省正字蕭鄴鎮荆南再辟掌書記入遷右補闕出

為饒州刺史以政最聞累進中書舍人新書盧簡辭附傳廣明二年僖宗

幸鳳翔朱玫劫嗣襄王煊奉為帝新書高駢傳乃避地金州駕還徵拜

工部侍郎舊書附傳史館修撰歷太常卿戶部尚書至太子太師昭宗

為劉季述所幽感憤卒贈太尉知獸器量渾厚世推為長者善書

有楷法文辭瞻麗子文度亦貴顯新書附傳

簡辭字子策與兄簡能弟宏正簡求皆有文新書附傳元和六年登第

三辟諸侯府長慶末入為監察轉侍御史舊書列傳習知法令及臺閣

舊事實歷中黎幹子焞詣臺請復葉縣故田有司莫能知簡辭獨

詰曰按幹坐黨魚朝恩誅貴田皆沒大厯後數十年比有赦令無

原洗之言焞安得冒論不為治福建鹽鐵院官盧昂坐贓簡辭窮

按乃得金牀瑟瑟枕大如斗敬宗曰禁中無此昂為吏可知矣李

程鎮太原表為節度判官入授考功員外郎新書列傳轉郎中大和中

坐事自太僕卿出為衢州刺史舊書列傳累擢湖南浙西觀察使新書列傳

會昌中入為刑部侍郎轉戶部大中初轉兵部檢校工部尚書許

州刺史山南東道節度使卒舊書列傳案新書敘為節度於衛

卒之官而簡辭下注山南東道節度使則舊書所云較是擢觀察

使舊書不載新書亦敘於衢州刺史之前據舊書簡求傳時簡辭

當在會昌間今改次之

宏正新傳作宏止通鑑同宰相世字子強性通敏元和末登進士

第舊書盧簡魁梧富貴未嘗言山水史闕佐劉悟府累擢監察御史

沈傳師表為江西團練副使入拜侍御史新書盧簡太和中華州

刺史宇文鼎戶部員外盧允中坐賊舊書詔宏正按訊文宗將殺

鼎宏正執據罪由允中鼎乃連坐不應死帝釋之新書歷歙鄭楚

三州刺史度支吏部郎中南部遷給事中新書會昌三年昭義節

度使劉從諫卒其子稹自稱留後新書武詔河北三節度討稹何

宏敬王元逵先取邢洺磁三州李德裕畏諸帥有請地者乃以宏

正為三州團練觀察留後制未下稹平即詔為三州及河北兩鎮

宣慰使還拜工部侍郎新書大中初轉戶部侍郎充鹽鐵轉運使

前是安邑解縣兩池鹽法積弊課入不充舊書宏正使判官司空

與檢鉤釐正新書立約數十條莫不以為宜新書即表與兩池

使自是課入歲倍用度賴之新書檢校戶部尚書出為徐州刺史

武甯軍節度使徐泗濠觀察等使舊書徐自王智興後吏卒驕奢

銀刀軍尤不法新書宏正至鎮都虞侯胡慶方復謀作亂宏正誅

之撫循其餘訓以忠義軍府由是獲安通鑑二百優詔褒勞宏正

羸病勾身還東都不許徙宣武卒於鎮贈尚書右僕射子虔新書

附字子肅新書宰相有俊才進士登第所著文筆為時所稱終祕

書監舊書附傳

簡求字子臧長慶元年登進士第舊書盧簡始從江西王仲舒幕

府兩為裴度元稹所辟又佐牛僧孺鎮襄陽入遷戶部員外郎新書

盧簡辭會昌中討劉稹武甯節度使傳作忠武節度舊紀作徐泗節度案舊志忠武治許管陳

附傳蔡三州武甯治徐管徐泗濠宿四州新舊書紀與傳各異新紀下書忠武節度王宰則彦佐此時不得又為忠武也今從新紀

李彦佐為晉絳行營諸軍節度招討使新唐書朝廷以簡求累佐使

府達於機畧以為副使舊書俾知後務歷蘇壽二州刺史大中九

年黨項擾邊拜涇原渭武節度使徙義武鳳翔河東三鎮新書以

鹽州防禦押蕃落諸軍防秋都知兵馬使度支烏池權稅等使舊書

宣宗簡求辭翰縱橫長於應變所歷四鎮皆控邊陲屬雜虜寇邊

因之移授所至撫御邊鄙宴然舊書太原統退渾契苾沙陀三部

難馴制它帥或與詛盟質子弟然寇掠不為止簡求歸所質開示

至誠虜憚其恩信不敢亂久之辭疾以太子少師致仕還東都治

園沼林苑與賓客置酒自娛卒年七十六贈尚書左僕射新書子

嗣業汝弼最知名舊書皆中進士第新書嗣業字子通新書宰相

檢校禮部郎中舊書汝弼字子諧宰相世系表少力學不喜為世胄

篤志科舉宣和景福中歷臺省舊五代文彩秀麗一時士大夫稱

之宣和以祠部員外郎舊史作知制誥從昭宗遷洛方柳燦斷喪

王室汝弼懼燦移疾去官客上黨後依李克用表為節度副使新書

附傳太原使府有龍泉亭簡求節制時手書詩一章在亭西壁汝弼

復為亞帥每亭中讌集未嘗居賓位向西俛首而已舊書人士嘉之

附傳卒於晉贈兵部尚書舊史盧氏兩世貴盛六卿方鎮相繼舊書

簡辭昆仲雲搏水擊鬱為鼎門非德積慶鍾安能及此辭人之後

不亦休哉舊書傳論

盧邁字子元范陽人新書作河南河南人權德輿盧公行狀作河

南洛陽縣宰相世系表仍列之范陽四房為舊書義信八世孫今

以孝友謹厚稱深為叔舅崔祐甫所重舊書舉明

從舊書載入

經入第補太子正字新書藍田尉權德輿盧公行狀以拔萃調河南主簿

集賢校理公卿交薦之擢右補闕三遷吏部員外郎以族屬客江

介出為滁州刺史召還再遷諫議大夫數條當世病利進給事中

新書言必削藁自非成命頒行而人莫知者行狀屬考課邁固辭以

授官日近未有政績不敢當上考時人重之遷尚書右丞舊書將

作監元互攝祠以私忌不聽誓御史劾之帝疑其罰下尚書省議

邁曰案大夫士將祭於公既視濯而父母死猶奉祭禮散齊有大

功喪致齊有期喪齊有疾病聽還舍不奉祭無忌日不受誓者雖

令忌日與告且春秋不以家事辭王事今攝政特命也互以常令

拒特命執非所宜遂抵罪新書貞元九年同中書門下平章事新書

宰相歲餘遷中書侍郎舊書時陸贄趙憬專大政邁居中治身循

法無過久之暴眩省中輿還第詔大臣即問固乞骸骨罷為太子

賓客新書十四年卒時年六十贈太子太傅舊書邁寬舒宏重有

姿表風度而憲章品式政事成法行狀有功總喪必容稱其服而情

有加焉叔下邳令休沐過家邁終日與羣子姓均指使無位貌之

異其從父弟起喪還洛陽過都邁奏請往哭之盡哀時執政自以

宰相尊五服皆不過從問弔而邁獨不徇時議者重其仁亮舊書

早歲以遊寓於南譙與舅崔祐甫講學至穀梁傳因附經義以規

祐甫慚歎曰吾以爾為甥亦以爾為友知免於大過矣行狀邁不食

鹽醋同列問之足下不食鹽醋何堪邁笑而答曰足下終日食鹽

醋復又何堪李肇國史補有寶瑟各直數千萬有寒玉石磬嚮泉和志

之號南書再娶無子或勸畜姬媵對曰兄弟之子猶子也可以主

後所得稟賜皆賑嫗舊之乏云新書

李景畧幽州良鄉人父承悅檀州刺史密雲軍使景畧以蔭補幽

州府功曹參軍大厯末客河中闔門讀書新書景畧氣豪慷慨舊書

論李懷光為朔方節度使署巡官五原將張光殺其妻以貲市獄

前後不能決景畧覈實論殺之既而有若女厲者進謝延中如光

妻云遷大理司直新書監察御史及懷光屯軍咸陽反狀始萌舊書

列傳將襲東渭橋召幕府計議新書景畧曰取長安殺朱泚散軍還

諸道單騎詣行在如此臣節亦未虧功名猶可保也頓首懇請至

於流涕懷光許之都虞候閻晏等勸懷光東保河中徐圖去就懷

光乃謂景畧曰勳者之議軍眾不從子宜速去不且見害遣數騎

送之景畧出軍門慟哭曰不意此軍陷於不義通鑑二送遁歸靈

武節度杜希全表置於府累轉侍御史豐州刺史豐州當回紇通

道前刺史輒柔每虜使至與抗禮時梅錄將軍入朝景畧欲折之

因郊勞前遣人謂曰可汗新沒欲弔使者乃坐高墉待之梅錄俯

僂前哭景畧即撫之曰可汗棄代助爾號慕於是虜容氣沮索不

敢抗以父行呼景畧自此回紇使至者皆拜於庭威名顯聞希全

忌之奏貶袁州司馬新書貞元十年德宗紀希全卒舊書杜徵為

左羽林將軍對於延英殿舊書列傳論奏衍衍有大臣風河東節度使

李說病以景畧為太原少尹行軍司馬時方鎮既重故少召還者

惟不幸則司馬代之自說有疾人心固屬景畧矣會梅錄復入朝

說大會虜人爭坐說不敢過景畧叱之梅錄識其聲拜曰非李豐

州邪遂就坐將吏相顧嚴憚說愈不平賂中尉竇文場謀毀去之

歲餘塞下傳言回紇南寇文場方侍帝旁即言豐州當得良將且

舉景畧乃拜豐州刺史天德軍西受降城都防禦使窮塞苦寒地

瘠鹵邊戶勞悴景畧至節用約己與士同甘藜藿咸應永清二渠

溉田數百頃儲稟器械畢具新書公私利焉舊書景畧用法嚴新書

任迪威令肅然聲雄北強回紇畏之新書貞元二十年卒於鎮年

五十五舊書列傳天下惜用景畧才有所未盡贈工部尚書新書

盧景亮字長晦幽州范陽人少孤新書有志義柳宗元先君石表

學無不覽第進士宏辭授秘書郎張延賞表為枝江尉掌書記入

遷右補闕朱泚反景亮勸德宗曰陛下罪已不至則感人不深帝

然之景亮鯁毅新書列傳多所激發為諫官奏書如水赴壑柳宗元

以盧杞為饒州刺史景亮劾杞輔政要位大臣踰時月不得對百

官凜凜常若兵在頸陛下復用之姦賊唾掌復興帝不聽爭尤確

杞遂廢新書陳以廷諫得失貶朗州司馬冊府元龜九百十五

亮嘗眾會漏所語言引善在已有惡歸廢抑二十年至憲宗時由

君帝怒貶朗州案景亮鯁毅恐不至此廢抑二十年至憲宗時由

和州別駕召還柳宗元先友記作順宗時案順宗立為尚書郎升

中書舍人柳宗元先友記景亮善屬文根於忠仁有經國志嘗謂人君足

食足兵而又得士天下可為也乃興軒項以來至唐剝治道之要

著書上下篇號三足記又作答問言輓運大較及陳西戎利害指

切當世公卿服其達古今云元和初卒贈禮部侍郎新書

盧於陵范陽人父貽為河南法曹參軍河南尹與人有仇誣仇與

賊通收掠取服法法曹曰我官司也我在不可以為是廷爭之以

死河南怒命卒摔之法曹爭尤強遂并收法曹竟奏殺仇籍其家

而釋法曹法曹出徑歸卧家念河南勢弗可敗氣憤弗食嘔血卒

於陵少孤母憐之讀書學文皆不待強教卒以自立在母側油油

翼翼不忍去母終與幼弟歸終之妹經營勤甚未暇進仕元和二

年卒年三十六韓愈處士盧君墓誌銘

范陽盧殷能為詩自少至老可錄傳者凡千餘篇無書不讀然止

用以資其詩與諫議大夫孟簡協律孟郊監察御史馮宿好期相

推輓卒以病不能為官盡寫所為詩抵故宰相東都留守鄭餘慶
留守數以帛米周其家書薦宰相不能用元和五年年六十五以
故登封尉卒登封韓愈盧殷墓誌銘

高崇文字崇文其先自渤海徙幽州新書為潞人七葉無分家異
財化行鄉黨韋貫之南平郡王神道碑開元中再表其閭崇文性樸重寡言新書

陳許節度都侯隨韓全義鎮長武城神道碑治軍有聲五年夏吐蕃
三萬寇甯州崇文率甲士三千救之戰於佛堂原大破之舊書

官金吾將軍封渤海郡王全義入朝留知行營節度後務新書十
三年全義代韓潭為夏綏銀宥節度使詔以長武兵赴鎮軍中鼓

譟為亂舊書韓全義傳殺大將王栖巖全義踰城走崇
文誅首亂者眾然後定以崇文為長武城都知兵馬使通鑑二百三十五

積粟練兵軍聲大振舊書西蜀帥佐劉闢反神道碑宰相杜黃裳薦

其才新書元和元年拜檢校工部尚書左神策行營節度使兼統
左右神策奉天麟遊諸鎮兵以討闢舊書黃裳因奏罷中人監軍

專委崇文新書時顯功宿將人人自謂當選及詔出皆大驚新書
傳崇文在鎮繕甲兵勵士卒常如待敵及奉詔即日進路神道碑

良械完無一不具過興元士有折逆旅七箸者即斬以徇乃西自
閬中出卻劔門兵解梓潼之圍賊將邢泚退守梓州詔拜崇文東

川節度使初闢陷東川執節度使李康至是歸康以句雪崇文數
康失守罪斬之新書闢城鹿頭關連八柵屯兵萬餘人以拒崇文

擊敗之闢置柵於關東萬勝堆崇文遣驍將高霞寓攻奪之下瞰
關城凡八戰皆捷通鑑二百三十七賊心始搖大將阿跌光顏與崇文約

後期懼誅請深入自贖乃軍鹿城西斷賊糧道新書賊大駭舊書

綿江柵將李文悅鹿頭守將仇良輔皆以城降通鑑二百三十七執闕子

方叔壻蘇疆遂趣成都餘兵皆面縛送款闕走追禽之檻送京師

入成都師屯大達市井不移珍寶如山秋毫無犯邢泚已降而異

斬於軍衣冠脅於汙者詣牙請命為條上全活之新書列傳草表薦房

式韋乾度獨孤密符載郝士美等通鑑二百三十七目段文昌曰公必為

將相未敢奉薦揖起沈衍令梟首驛門通鑑考異引林恩補國史從容指搗一

境皆平闕有二妾殊色監軍請獻之崇文曰天子命討平凶豎當

以撫百姓為先遽獻婦人以求媚豈天子意邪崇文不為此乃以

配將吏之無妻者通鑑二百三十七初崇文素憚劉滄黃裳使人謂曰若

不奮命當以滄代由是得其死力舊書杜黃裳傳進檢校司空西川節度

副大使南平郡王實封三百戶刻石紀功於鹿頭山崇文不通書

北夢瑣言高崇文授西川節度使一旦大雪諸從事吟賞有詩渤海鄙言多呼人為髀兒此日筵上謂賓客曰某雖武夫亦有一詩

乃口占云崇文崇武不崇文提戈出塞號將軍那箇髀兒射厭案

牘諮判以為繁且蜀優富無所事請捍邊自力乃詔同中書門下

平章事邠甯節度使為京西諸軍都統崇文恃功而侈舉蜀帑

藏百工之巧者皆自隨又不曉朝儀憚於覲謁有詔聽便之屯居

邠三年戎備整修新書列傳四年卒年六十四贈司徒諡曰威武舊書列傳

會昌六年詔配享憲宗廟子承簡新書列傳案神道碑言嗣子

國上谷郡公士政次子檢校秘書兼御史中丞士榮季子左衛率府胄曹參軍士明而不見承簡名豈士政即承簡歟

承簡少為忠武部將後入神策軍以父征劉闢功拜嘉王傅舊書高崇文附

裴度征蔡奏署牙將蔡平詔析上蔡郟城遂平西平四縣為

潁州舊書附傳四縣作三縣無西平案新書地理志郟城下云元和十二年以郟城上蔡西平遂平置潁州與傳合舊書地理志西平下亦云元和十二年隸潁州然拜承簡刺史治郟城始開

屯田列防庸瀕潁綿地二百里無復水敗皆為腴田先是賊築武

宮以夸戰勞承簡夷其邱庀家財以葬葺儒宮備俎豆歲時行禮

野有菽實民得以食將吏立石頌功遷邢州刺史觀察府責賦尤

急承簡代下戶數百輸租遷宋州新書高崇文附傳長慶二年宣武軍逐

其節度使李愿衙門都將李宥反新書穆宗紀遣使責財於宋承簡囚

之前後數輩輒繫獄一日并出斬於牙門威震部中宥悉兵攻之

宋有三城南城陷承簡保北二城數與賊礮會徐州救至新書斬

首千餘級餘衆遁去通鑑二百四十二汴牙將李質斬宥傳首京師舊書韓宏

附傳授承簡檢校散騎常侍充海沂密節度使舊書附傳遷義成軍檢校

尚書左僕射入拜右金吾衛大將軍復節度邠甯先是虜多以盛

秋犯邊承簡請屯甯州以制其侵新書附傳太和元年舊書附傳疾還朝道

卒贈司空諡曰敬新書附傳

劉頗字保極元稹劉君墓誌銘昌平人其上三世有義烈元稹劉君墓誌銘拯為清

夷軍使會侯希逸叛軍亂害及朝廷忠之以平州刺史告其第平

州生表裏官深州長史亦用忠義戰死長史生子騫官至銀青光

祿大夫唐州刺史與周增等謀潰李希烈覺皆殺之頗實唐州長

子希烈不忍其幼養之麾下凡攻戰必攜去年十四五始讀書希

烈死得脫舉進士文詠詞調有古人氣候試一不中遂不復試元稹

劉君墓誌銘負氣狹路問病嬰車蔽楯盡碎之聲囊酬置而去元稹劉君墓誌銘

田於唐唐刺史願得為堦頗不願刺史怒暴租其田元稹劉君墓誌銘

自火其居出契書投火中元稹劉君墓誌銘盡畀里中諸老田棄去汝上讀

書賦詩厚自期待刺史陸長源器異之三十餘試授秘書省校書

郎復以協律郎從事於郾元和初高崇文方下蜀宰相杜黃裳以

為大理評事後為壽安主簿烏重允以懷汝之師伐蔡請為監察

御史判懷汝營田事尋改節度判官賜章服時賊盛始都統韓宏

在大梁乃請於烏日青陵故城地高要得之可以據賊矣公能使
我於韓可以得烏使之韓一見奇之竟夕與語遂命陳許懷汝大
梁之眾據青陵自是官軍大振凡烏之戰陳謀取案牘書奏之事
皆名之常為烏啟事京師憲宗語及陣法曰卿何以知戰對曰臣
固淮西之戰者也讀書餘事耳遭喪服闋為殿中侍御史銀州長
史知刺史事先是銀之長不命於朝數十年諸將攝理奪其馬牛
夷人苦益復叛遠頗始受命指贏輸之白四足者曰此馬苟無死
不復易矣至所治黨項諸羌來會聚頗告以忠信廉儉皆出涕無
敢違告者歲餘受代酋長拓跋建宗等七百餘眾遮擁不欲去頗
馳去之建宗等隨至境果以贏輸之白四足者歸京師自外無餘
畜及沒諸羌長不絕聘尋授河西令以水部員外郎兼侍御史光
和中節度副史尋除萬州刺史頗善交人凡志氣豪健尚功名者

多師之投分誓且死為收長用慈儉閭里皆愛惜長慶三年卒墓志

盧鈞字子和本范陽人舊書徙京兆藍田新書元和四年進士擢

第唐摭言載鈞初及第僕為辦釀感又書判拔萃調補校書郎累

佐諸侯府大和五年遷左補闕舊書王守澄誣告宋申錫與漳王

謀反議抵申錫死新書申錫傳鈞伏奏乞付法司舊書文宗紀議貸申錫於

嶺表新書申錫傳由是知名舊書進吏部郎中出為常州刺史遷給事

中有大詔令必反覆省審駁奏無私拜華州刺史關輔驛馬疲耗

鈞為市健馬率三歲一易自是無乏事擢嶺南節度使海道商舶

始至異時帥府爭先往賤售其珍鈞一不取時稱絮廉專以清靜

治蕃獠與華人錯居相婚嫁多占田營第舍吏或撓之則相挺為

亂鈞下令蕃華不得通婚禁占田產闔部肅壹無敢犯新書自貞

元以來衣冠得罪流放嶺表者因而物故子孫貧悴遇赦不能自
還鈞減俸錢爲營構舊書還葬有疾苦喪則經給醫藥殯殮孤
女穉兒新書爲之婚嫁凡數百家舊書南方服其德不懲而化又
除采金稅華蠻數千走闕下請爲鈞生立祠刻石頌德鈞固辭以
戶部侍郎召判戶部會昌中漢水害襄陽拜鈞山南東道節度使
築隄六千步以障漢暴王師伐劉稹武宗以鈞寬厚能得眾詔兼
節度昭義軍會稹死敕乘驛往進檢校兵部尚書專領昭義鈞及
潞石雄兵已入而稹將白惟信率餘卒三千保潞城未下鈞次高
平惟信獻款且曰不卽降者畏石尚書爾鈞與約而遣方雄欲盡
夷潞兵鈞不聽坐治堂上左右皆雄親卒擊鼓傳漏鈞自若甚安
雄引去乃召惟信至送闕下餘眾悉原新書人情大洽昭義遂安
五年詔發昭義兵戍振武鈞至裴村餞之潞卒素驕憚於遠戍乘

醉回旗入城閉門大譟鈞奔潞城以避之

通鑑二百四十八

迫大將李文

矩爲帥文矩投地僵卧稍諭叛者眾乃悔服卽相與謝鈞迎還府
斬首惡乃定詔趣戍者行密使盡戮之鈞請徐乘其變戍人去潞
一舍鈞選卒夜趨遲明至太平驛盡斬之卽拜檢校尚書左僕射
宣宗卽位改吏部尚書會劉約自天平徙宣武未至暴死家僮五
百無所仰衣食思亂乃授鈞宣武節度使人情晏然召入復爲吏
部尚書遷檢校司空太子少師封范陽公新書河東節度使李業
縱吏侵掠雜虜又妄殺降者由是北邊擾動以鈞節度河東鈞奏
度支郎中韋宙爲副使宙徧詣塞下悉召酋長諭以禍福禁唐民
毋得入虜境侵掠犯者必死雜虜由是遂安通鑑二百四十九大中九年
召爲左僕射新書鈞踐歷中外事功益茂後輩子弟多至台司至
是急徵謂當輔弼雖居端揆心殊失望常移病不視事與親舊遊

城南墅累日一歸宰臣令狐綯惡之乃罷僕射舊書列傳以檢校司空

守太子太師帝元日大饗含元殿鈞年八十升降如儀音吐鴻暢

舉朝咨歎以鈞碩耆長者顧不任職咎綯為媚賢綯聞言於帝即

以鈞同中書門下平章事為山南西道節度使俄檢校司徒為東

都留守懿宗初復節度宣武辭不拜以太保致仕卒年八十七贈

太傅諡曰元鈞與人交始若澹薄既久乃益固所居官必有績大

抵根仁恕至誠而施於事玩服不為鮮明位將相沒而無贏財新書

列傳盧宏宣字子章范陽涿人新書列傳不言何郡人元和中擢進士

第鄭權帥襄陽辟署幕府李愬代權二人交憾宏宣始謁愬愬敕

左右謹衛既與語見其中遠不覺洗然裴度留守東都表為判官

累遷給事中駙馬都尉韋處仁拜虢州刺史宏宣謂非所任還詔

不下開成中山南江西大水詔宏宣與吏部郎中崔璿分道賑卹

使有旨還遷京兆尹刑部侍郎拜劍南東川節度使時歲饑盜贅

結酋豪自王偽署官吏發敖屠招亡命聯蓬瀛嘉榮諸州誅蠻落

搯亂根株盤熾宏宣下檄脅諭賊黨稍降其黠强者署軍房無能

還之農魁長逃入峽中吏捕誅之會昌五年四字據然犯者不貸河

使宏宣性寬厚新書列傳政簡易其下便之通鑑二百四十八

朔故法新書列傳軍中偶語者斬宏宣至通鑑二百四十八除之詔賜其軍粟

三十萬斛貶飛狐宏宣計挽費不能滿直敕吏守之明年春大旱

教民隨力往取時幽魏饑甚獨易定自如至秋悉收所貸軍食以

饒厯工部尚書秘書監以太子少傅致仕卒年七十七贈尚書右

僕射新書列傳固安縣伯宰相世系表初宗人貞白父曰老彭有道術兼號

知人宏宣簡辭宏正簡求俱候焉留坐目之甚久命貞亦序坐又

目之日一行五節度使可謂盛矣卒如其言趙麟因宏宣患士庶

人家祭無定儀乃合十二家法損益其當次以為書新書藝文志

儀注云子告字子有宰相世系及進士第新書歷吏部侍郎新書

卷亡志終給事中新書與盧耽蔣偕王泐牛叢撰文宗實錄四十卷新見

賈島字浪仙范陽人初為浮屠名無本來東都時洛陽令禁僧午

後不得出島為詩自傷韓愈憐之因教其為文遂去浮屠舉進士

唐書韓愈附傳王楙野客叢書云唐遺史載島初赴舉在京一

日在驢上得句云云引手作推敲之勢時韓退之為京兆尹車騎

方出島不覺行至第三節左右擁至尹前島具道所以得詩句退

之遂并轡歸為布衣交案韓集有送無本師歸范陽詩則島之交

愈時猶是浮屠攷韓譜是詩當作於元和六年而愈之為京

兆尹在長慶二三年相去甚遠遺史之言未足據今不取六經

百氏無不該覽妙之尤者屬思五言孤絕之句蘇絳賈司元和

元白尚輕淺島獨變格人僻以矯浮豔唐書怪變平淡韓愈送無

詩高步出羣墓誌雖行坐寢食吟詠不輟嘗跨驢張蓋橫截天衢時

秋風正厲黃葉可埽島忽吟日落葉滿長安重其衝口直致求之

一聯杳不可得不知身之所從也因衝突京兆劉棲楚被繫一夕

釋之唐書累舉不中第文宗時坐飛謗貶長江主簿唐書附傳

武宗於定水精舍島九肆海上謂之他日有中旨令與一官謫去

乃受長江縣尉與此互異案墓誌島在長江三年會昌三年卒則

其坐責當在開成三年在任卷不釋手秩滿遷普州司倉參軍轉

授司戶墓誌未受命卒年五十四唐書附傳墓誌會昌癸亥七月

四與此互異未詳孰是癸亥會昌三年也島丰骨自清冥搜至理未嘗評人是非工筆

法得鍾張之奧所著文篇不以綺靡為急淡然躡陶謝之蹤墓誌進

士李洞慕島欲鑄而頂戴嘗念島佛北夢長江集十卷小集三卷

唐書藝文志北夢瑣言載賈島過宣宗微行問秀才名對曰賈

島帝曰久聞詩名島曰何以知之後言於宰相與平曾相次謫授

振孫書錄解題
已辨之今不贅

盧士瓊字德卿范陽人少好著文精曉吏事明經及第歷甯陵華
陰主簿協律郎大理評事監察御史河南府尹曹司錄參軍嘗攝
職同州當徵官稅錢時民共出粟易錢以歸官斗至十八九士瓊
白刺史請倍估納粟刺史行之民用得饒未一月果被有司牒和
收官粟斗給六十後刺史到欲盡入其羨於官士瓊既去職猶止
之曰聖澤本以利民民戶知之不可以獨享刺史乃懸榜曉民使
請餘價因以絹布高給之民亦歡受州獲六百萬為戶曹決斷精
速曹不擁事及為司錄吏請前例合錢儻人與司錄養馬士瓊叱
出之召諸縣府望吏告曰某居此歲久官吏清濁侵病人者每聞
之司錄職當舉非法往各白汝長宜慎守廉靜以澠池令為戒其
所改易皆克己使人堪為故事及卒士君子相弔哭咸以為能高

而位卑不副

李翱盧君墓誌

劉蕡字去華幽州昌平人

新書列傳

博學善屬文尤精左氏春秋好談

王霸大畧耿介嫉惡

舊書列傳

沈健於謀浩然有拔世意

新書列傳

常看文

中子忿然而言曰才非殆庶擬上聖述不亦過乎若以人望人文

中子於六籍猶奴婢之於郎主耳

南書

寶曆二年進士擢第

舊書列傳

自元和末宦官益橫建置天子在其掌握威權出人主之右人莫

敢言

通鑑百四十三

蕡常痛疾文宗即位思洗宿恥大和二年舉賢良方

正能直言極諫親策於廷

新書列傳

蕡條對激切凡數千言

舊書元稹附傳

深

究治亂之本又多引春秋大義

唐書

其畧曰陛下宜先憂者宮闈

將變社稷將危天下將傾海內將亂又曰陛下將杜篡弑之漸則

居正位而近正人遠刀鋸之賤親骨鯁之直輔相得專其任庶職

得守其官奈何以褻近五六人總天下大政禍稔蕭牆姦生帷幄

臣恐曹節侯覽復生於今日又曰忠賢無腹心之寄閹寺持廢立之權陷先君不得正其終致陛下不得正其始又曰威柄陵夷藩臣跋扈或有不達人臣之節首亂者以安君爲名不究春秋之微稱兵者以逐惡爲義則政刑不由乎天子征伐必自於諸侯又曰陛下何不塞陰邪之路屏褻狎之臣制侵陵迫脅之心復門戶埽除之役戒其所宜戒憂其所宜憂旣不能治於前當治於後旣不能正其始當正其終則可以虔奉典謨克承丕構矣昔秦之亡也失於疆暴漢之亡也失於微弱疆暴則賊臣畏死而害上微弱則姦臣竊權而震主伏見敬宗皇帝不虞亡秦之禍不翦其萌伏惟陛下深軫亡漢之憂以杜其漸則祖宗之鴻業可紹三五之遐軌可追矣又曰臣聞漢元帝卽位之初更制七十餘事其心甚誠其稱甚美然而紀綱日紊國祚日衰奸宄日彊黎元日困者以其不

能擇賢而任之失其操柄也又曰陛下誠能揭國權以歸相持兵柄以歸將則心無不達行無不孚矣又曰法宜畫一官宜正名今分外官中官之員立南司北司之局或犯禁於南則亡命於北或正刑於外則破律於中法出多門人無所措實由兵農勢異而中外法殊也又曰今夏官不知兵籍止於奉朝請六軍不主兵事止於養勳階軍容合中官之政戎律附內臣之職首一戴武弁疾文吏如仇讐足一蹈軍門視農夫如草芥謀不足以翦除兇逆而詐足以抑揚威福勇不足以鎮衛社稷而暴足以侵軼里閭羈縻藩臣干陵宰輔隳裂王度汨亂朝經張武夫之威上以制君父假天子之命下以御英豪有藏姦觀釁之心無伏節死難之義豈先王經文緯武之旨邪又曰臣非不知言發而禍應計行而身戮蓋痛社稷之危哀生人之困豈忍姑息時忌竊陛下命之寵哉

十是時第策官左散騎常侍馮宿太常少卿賈鍊庫部郎中龐巖

見黃對嗟伏以為過古鼂董而畏中官眦睚不敢取士人讀其詞

至感慨流涕者諫官御史交章論其直於時被選者二十三人

唐書三作二通鑑同所言皆常務類得優調新書李邵謂人曰劉蕡不

第我輩登科實厚顏矣舊書乃上疏以為蕡所對策漢魏以來無

與為比今有司以蕡指切左右不敢以聞恐忠良道窮紀綱遂絕

况臣所對不及蕡甚遠乞回臣所授以旌蕡直不報通鑑百四十三其策

大行於時舊書元稹附傳期月之間屈聲播於天下唐書蕡對後七年有

甘露之難令狐楚牛僧孺節度山南東西道皆表蕡幕府授秘書

郎以師禮禮之而宦人深嫉蕡誣以罪貶柳州司戶參軍卒舊書

使府及昭宗誅韓全誨等左拾遺羅衮上言蕡當太和時宦官始

熾因直言策遂罹譴逐身死異土六十餘年正人義夫切齒飲泣

比陛下幽東內幸西州王室幾喪使蕡策早用則杜漸防微逆節

可消甯殷憂多難遑及聖世邪今天地反正枉魄憤齒有望於陛

下帝感悟贈蕡右諫議大夫訪子孫授以官云新書

范陽盧需字子中年二十未知古有周公孔子者擊毬飲酒策馬

射走兔語言習尚無非攻守戰鬪之事鎮州有儒者黃建語以先

王儒學之道需立悟其言即陰約母弟雲竊家駿馬日馳三百里

夜抵襄國界捨馬步行徑入王屋山請詣道士觀道士憐之置之

門外廡下席地而處始聞孝經論語布褐不襪粹草為茹或竟日

不得食如此凡十年年三十有文有學日閑習人事誠敬通達汝

洛間士人稍稍知之開成三年來京師舉進士於羣輩中首首然

凡日進士知名者多趨之願與之為交需嘗曰丈夫一旦得志天

子召於座前以笏畫地取山東一百二十城惟我知共甚易耳因

言燕趙間山川夷險教令風俗人情之所短長三十年王師攻擊利與不利其所來由明白如彩畫一一可觀開成四年客遊代州南歸於霍州縣界晝日盜殺之京師名進士聞之多有哭者杜牧才墓

張仲武漁陽人通左氏春秋會昌初為雄武軍使新書陳行泰殺

節度使史元忠權主留後俄而行泰又為次將張絳所殺令三軍

上表請降符節舊書列傳舊書帝紀會昌元年閏月幽州雄武

處將帥之任請以鎮軍加討許之十月誅行泰遂以絳知兵馬使

二年春正月以絳知留後仍賜名仲武與傳異通鑑考異謂其以

兩人為一人仲武起軍擊絳且遣軍吏吳仲舒奉表詣京師稱絳

誤今不取新書列傳言請以本軍擊回鵠事且下云會回鵠逼漁陽則

慘虐請以本軍討之未嘗及擊回鵠事且下云會回鵠逼漁陽則

非先請擊可知故舊書亦只云詔宰相問狀仲舒言行泰絳皆遊

客故人心不附仲武幽州舊將性忠義通書習戎事人心嚮之鼻

者張絳殺行泰召仲武欲以留務讓之牙中一二百人不可仲武

行至昌平絳復卻之今計仲武纔發雄武軍中已逐絳矣李德裕

問雄武士卒幾何對曰軍士八百外有土團五百德裕又問萬一

不克如何對曰幽州糧食皆在媯州及北邊七鎮萬一未能入則

據居庸關絕其糧道幽州自困矣通鑑二百德裕入白帝行泰等

邀節不可許仲武求自效用之有名軍且無辭乃擢馬兵留後詔

撫王遙領節度詔下絳果為軍所逐新書列傳仲武入幽州新書武宗紀

節度副大使知節度事檢校工部尚書幽州大都督府長史兼御

史大夫蘭陵郡王舊書列傳王作公會回鵠特勒那頤啜擁赤心部七

千帳偪漁陽仲武使其弟仲至與別將游奉寰等率銳兵三萬破

之獲馬牛橐它旗纛不勝計新書列傳悉得其眾那頤啜走烏介執而

殺之新書回鵠傳遣吏獻狀進檢校兵部尚書新書列傳兼東面招撫使舊書

傳列仲武招降可汗下部落前後三萬餘人分配諸道通鑑考異始引伐叛記

回鶻常有酋長監奚契丹以督歲貢因訶刺中國仲武使裨將公

石緒等厚結二部執謀者八百餘人殺之回鶻欲入五原掠保塞

襍虜乃先以宣門將軍四十七人詭好結歡仲武賂其下盡得所

謀因逗留不遣使失師期回鶻人馬多病死者由是不敢犯塞烏

介失勢往依康居盡徙餘種寄黑車子部回鶻遂衰名王貴種相

繼降捕幾千人仲武請立石以紀聖功帝詔德裕為銘揭碑盧龍

以告後世新書列傳過捻可汗哀殘部仰食於奚大酋碩舍朗大中初

仲武討奚破之轉依室韋仲武諭令羈致可汗等過捻懼夜委眾

西走新書回鶻傳擢累檢校司徒同中書門下平章事新書列傳三年卒宣宗

紀諡曰莊舊書列傳仲武有政學後漁陽有年八九十人識其面者說

之猶淚下南部新書

張允伸字逢昌范陽人世仕幽州軍門屢職至押衙兼馬步都知

兵馬使大中四年戎帥周緝寢疾表允伸為留後舊書列傳宣

人立其牙將張允伸案新紀言盧龍軍亂逐其節度張直方衙將

張允伸自稱留後新紀亦言直方出奔眾立為留後彼此互異通

鑑舍新書用舊書天子報可未幾檢校散騎常侍為節度使累進檢校

司徒兼太傅同中書門下平章事封燕國公新書列傳咸通九年新書

紀龐勛以徐州反上書欲遣弟允臬領兵討叛不許上米五十萬

斛鹽二萬斛佐用度詔嘉美賜玉帶寶器紈錦進兼侍中新書列傳十

二年以風恙拜章請就醫藥詔許之以子簡會檢校工部尚書充

節度副大使舊書列傳十三年疾甚上表納旌節通鑑二百五十二卒年八十

八并贈太尉諡曰忠烈允伸領鎮凡二十三年舊書列傳勤儉恭謹邊

鄙無警上下安之通鑑二百五十二

盧渥字子章范陽人識致遠大強學發文未就鄉舉時輩皆以為

傑出中選甲科籍累辟諸侯府太夫人在洛乞以散秩就養拜國子博士遷侍御史專領東臺務轉司封員外知雜事正色讜言舉劾不撓遷司勳郎中時宰所忌出倅宣武軍入爲曹郎拜萬年令大京兆每引見必優禮言則稟規諸曹請事若奉嚴師司空圖盧公神道碑拜中書舍人雲溪友議知制誥宰相詳議大政亦俟入直乃行前後六年編錄盈笥實一時典則也司空圖撰碑先是渥應舉之歲偶臨御溝見一紅葉上有絕句命僕孳來置於巾箱及宣宗旣省宮人下詔許從百官渥獲所退宮人宮人覩紅葉吁歎久之日當時偶隨流水不謂郎君收藏巾篋驗其書迹無不訝焉雲溪友議丁內憂哀毀逾禮免喪拜陝虢觀察使兼御史中丞護軍劉重美黨類豪侈橐奸贖貨及至鎮舉壞政之甚者面數以挫其鋒卒俛首受教遇江嶺宿兵邊戍乏食滑州軍奮臂標迴開折天侶及驟至牆下吏士縮

慄請閉關扼守渥曰彼凍餒所迫未聞肆毒吾因而撫之冀其返

善若首唱其惡彼畏彰聞則懷疑蜂潰召主將親諭之果遽感悟

而東逮出境人無懼其患司空圖撰碑盧氏衣冠第一未嘗知舉北夢瑣言

及盧攜在中書深恥之廣明元年乃追渥入典貢帖經後巢賊犯

闕天子幸蜀南都新書北夢瑣言亦載此事凡二條一以爲盧渥一以爲盧沆乃中輟人惜之明

年春自都潛出至中條拜御史丞兼左丞東拔端良風威益振駕

迴未幾又徒步扈從於寶鷄至褒中岐蜀阻兵食俱困乃拜渥戶

部尚書領興元留事知節度使事渥躬自招撫且徵賦食山毗相

勉貢輸時議以爲蕭何大勳非渥不濟累授保傅尋以檢校司徒

致仕天祐二年薨年八十六渥友愛諸弟孜孜指導司空圖撰碑伯仲

四人咸居清顯乾符初渥自中書舍人拜觀察使又旬日其弟紹

自長安縣令除給事中又旬日弟沆自前集賢校理授左拾遺又

旬日弟沼自前畿尉遷監察御史士族榮之參參子紹字子美太

子少保唐書幸相尤檢剋亦能率子弟卑幼無違者司空圖沼碑

治字明源宰相世考功郎中司空圖沈碑作字德遠宰相世右補

闕從事洛都留守府司空圖初沈在舉場甚有時稱曾於瀆水逆

旅遇宣宗微行意其貴人斂身迴避帝揖與相見沈乃自稱進士

盧沈帝請詩卷袖之乘驢而去他日對大臣語及盧沈令主司擢

第沈不自安恐僭冒之辱宰臣問沈與主上有何借緣乃具陳因

由時亦不訝以其文章非叨忝也北夢渥嗣膺刑部侍郎敏材慎

行而囂競不能入賡左補闕整整唯謹目為令人司空圖撰碑

華陽吳祖椿校

人物志四

光緒順天府志九十四

先賢四

南海廖廷相纂江陰繆荃孫覆輯

後梁

盧曾

後唐

馬郁

李嚴

范廷策

趙鳳

王思同

許唐

後晉

李承約

張希崇

呂琦趙玉

後漢

劉審交

龍敏

後周

扈載

南唐

高越 姪遠

盧文進

潘佑

前蜀

王宗瑤

後蜀

孫欽

宋

趙普

趙上交

趙匡贊

宋琪

宋雄

董遵誨

張暉

邊歸謙

馬全義 子知節

寶儀 弟儼

張藏英 孫鑑

李瓊 孫

劇可久

李懷忠

田重建

呂餘慶 弟端

劉載

扈蒙

張佖

高彥暉

張玉

李洸頤

張世傑

後梁

盧會字孝伯其先范陽人也頗好書有所執守始為齊州刺史 舊傳

原作防禦使案新書梁紀及通鑑皆稱朱瓊為齊州刺史今據改朱瓊從事 舊五代史列傳乾甯二年瓊

降舊史梁太祖紀與皆來太祖辟為宣義幕職曾性忠狷好戇直不能取

容於眾每勳府讌語稍洽會率然糾正輒又忤旨左長直軍使劉

捍委任方重會不能平 舊史列傳光化二年陝州都將朱簡殺留後李

璠 舊史太祖紀來降以簡為保義軍節度使 新五代史梁紀一更名友謙 通鑑

六十一太祖即位友謙始封冀王其初來降時未也今從新紀改書命會

太祖即位友謙始封冀王其初來降時未也今從新紀改書

太祖即位友謙始封冀王其初來降時未也今從新紀改書

往議事有使院小將從行嗜酒荒逸過度曾復命欲發其罪致疏

袖中累日未果言小將恐事洩先誣告曾使酒幾敗軍事劉捍證

之由是罷職歸於齊之別墅俄而王師範起兵舊傳原作起兵叛案是時朱全忠圍

鳳翔韓全誨以詔書徵藩兵入援乘輿師範以忠義自許此舉自出有名且素非梁臣亦不得言叛也今刪去太祖促召

曾謂之曰予能緩頰說青州使無背盟吾不負子矣曾持檄以往

既至師範囚之送於淮南遇害後太祖暴師範之罪曰喪我骨肉

殺我賓僚遂族誅之因召曾二子皆授以官舊史列傳

後唐

馬郁其先范陽人郁少警悟有俊才智數言辯縱橫下筆成文乾

甯末為府刀筆小吏李匡威為王鎔所殺鎔書報匡儔匡儔遣使

問鎔謀亂本末幕客為書多不如旨郁時直記室即起草為之使

列事狀云可疑者十詞理俊贍以此知名舊史列傳後為燕帥劉仁恭

幕客鎮州記室韓定辭聘燕仁恭舍於賓館命郁延接有詩酬贈

他日郁持燕帥之命答聘常山亦命定辭接於宮館由是兩相悅

服全唐詩話鎮州官妓有轉轉者美麗善歌舞因宴席郁累挑之幕客

張澤亦以文章名謂郁曰子能座中成賦可以此妓奉酬郁抽筆

操紙即時成賦擁妓而去侍兒小名錄劉崇遠耳目記云趙王鎔

之酒妓者一代名姝韓所眷也每當酒席馬頰目之韓曰昔文公

分叔隗於趙衰伯符輟小喬於公瑾蓋惟名色可奉名人所慮娼

婦不勝賢者顧願垂一詠故得奉之或即題命文不停輟作轉

轉賦遂載以歸此又以馬為趙使燕案馬贈韓詩有確磬山上望

取語據東坡記山在趙州耳日記誤今不郁在武皇幕累官至檢

校司空秘書監武皇與莊宗禮賜優異監軍張承業權舊任事人

士低首候之郁以滑稽狎侮其往如歸有時直造臥內每賓僚宴

集承業出珍果陳列於前食之必盡承業私戒主膳者曰他日馬

監至唯以乾藕子置前而已郁至窺其不可啖異日鞞中出一鐵

槌碎而食之承業大笑曰為公設異饌勿敗余食案其後率如此

郁在莊宗幕寄寓他土年老思鄉每對莊宗歛歛言家在范陽乞

骸歸國以葬舊山莊宗謂之曰自卿去國以來同舍孰在守光尚

不能容父能容卿乎孤不惜卿行但卿不得死爾郁既無歸路哀

懷鳴悒卒於太原

舊史列傳 攷證云案尹洙河南集韓重華墓誌銘作燕客馬或韓琦安陽集修五代祖塋城

記亦作幕吏馬或攷宋人說部載韓定辭唱和詩俱作馬或與是書異惟雲谷雜記從通鑑作郁與是書同

李嚴幽州人也初名讓坤事劉守光為刺史從事莊宗為客省使

嚴為人明敏多藝能習騎射頗知書而辨同光二年原作三年攷新舊紀伐蜀

皆在三年蜀世家言乾德六年嚴聘蜀歸獻策伐蜀明年魏王繼

歲郭崇韜伐蜀乾德六年即後唐同光二年也通鑑列之二年今

據使於蜀為王衍陳唐興復功德之盛音辭清亮蜀人聽之皆竦

動新五代史列傳王宗儁以其語侵蜀請斬之蜀主不從通鑑二百七十三衍樞

密使宋光嗣召嚴置酒從容問中國事嚴對曰前年天子建大號

於鄴宮自鄆趨汴定天下不旬日而梁之降兵猶三十萬東西南

北四方萬里莫不臣妾而淮南楊氏承累世之強鳳翔李公恃先

朝之舊皆遣子入侍稽首稱藩至於荆湖吳越修貢獻珍願自比

於列郡者至無虛月天子方懷之以德震之以威天下之勢不得

不一也光嗣曰荆湖吳越非吾所知若鳳翔則蜀之姻親也其人

反覆可信乎又聞契丹日益強盛大國可無慮乎嚴曰契丹之強

孰與偽梁唐滅梁如拉朽况其不及乎唐兵布天下發一鎮可滅

虜然而天生四夷不在九州之內自前古王者皆存而不論蓋不

欲窮兵黷武也蜀人聞嚴應對愈益奇之新史列傳嚴見其人物富盛

而衍驕淫新史蜀世家還具言可取之狀新史列傳初帝令往市蜀中珍玩

而蜀法嚴峻不許貨東出其許市者謂之入草物嚴不獲珍貨歸

而奏之帝怒曰王衍甯免為入草人邪舊史莊家紀三年下制伐蜀使

魏王繼岌為都統樞密使舊史王以嚴為三川招撫使使與康延

孝以兵五千先行所遇州縣皆迎降新史延孝與嚴乘馬浮江軍

士隨之濟者千餘人遂入鹿頭關下漢州新史康王衍告曰得李

嚴來即降眾皆以伐蜀之謀自嚴始而衍怨嚴深不宜往嚴聞之

喜即馳騎入益州衍見嚴以母妻為託即以蜀降嚴還明宗以

為泗州防禦使客省使如故其後孟知祥崛起於蜀安重誨稍裁

抑之思有以制知祥者嚴乃求為西川兵馬都監將行其母曰汝

前啟破蜀之謀今行其以死報蜀人矣嚴不聽初嚴與知祥同事

莊宗時知祥為中門使嚴嘗有過莊宗怒甚命斬之知祥戒行刑

者少緩入白莊宗莊宗怒稍解命知祥監答嚴二十而釋之知祥

雖與嚴有舊恩而惡其來蜀人聞嚴來亦皆惡之新史掌書記母

昭裔及諸將皆請止嚴毋納知祥曰吾將有以待其來嚴至境上

使人持書候知祥知祥盛兵見之冀嚴懼而不來嚴聞之自若天

成二年正月舊傳言長興初誤放新書嚴至成都新史後知祥置

酒從容問嚴曰朝廷以公來邪公意自欲來邪嚴曰君命也知祥

發怒曰天下藩鎮皆無監軍安得爾獨來此此乃孺子熒惑朝廷

爾新史目客將王彥銖執嚴下斬之新史後明宗不能詰新史贈

太保舊史列傳舊史明宗紀長興元年贈太保

范延策舊史明宗幽州人也性剛直累為賓職及佐高行珪觀其

貪猥因強諫之行珪不從後延策因入奏獻封章於闕下事有三

條一請不禁過淮猪羊而禁絲綿疋帛以實中國一請於山林要

害置軍鎮以絕寇盜一述藩侯之弊請敕從事明諫諍之不從令

諸軍校列班廷諍行珪聞之深銜之舊五代史高行珪傳已而戍兵有謀叛

者行珪先覺戍兵無所得潰去行珪追而殺之因誣奏延策同反

并其子皆見殺新史高行周傳舊史明宗紀天咸三年前安州節度副使范延榮并男皆斬於軍巡獄為高行珪誤奏聞者寃之未幾行珪卒詔贈太尉舊史高行珪傳

趙鳳幽州人也少以儒學知名燕王劉守光時悉黥燕人為兵鳳

懼因髡為僧依燕王弟守奇自匿守奇奔梁梁以守奇為博州刺

史鳳為其判官守奇卒鳳去為鄆州節度判官新史龍德三年唐

取鄆州新史梁紀三莊宗聞鳳名得之喜以為扈鑿學士五代會要作

士莊宗即位拜鳳中書舍人翰林學士舊史拜中書舍人及入莊

宗及劉皇后幸河南尹張全義第酒酣命皇后拜全義為父明日

遣宦者命學士作牋上全義以父事之鳳上書極言其不可全義

養子郝繼孫犯法死宦人伶官冀其貲財固請籍沒鳳又上書言

繼孫為全義養子不宜有別籍之財而於法不至籍沒刑人利財

不可示天下是時皇后及羣小用事鳳言皆不見納新史天成初

置端明殿學士鳳與馮道俱任其職舊史鳳好直言而性剛強素

與任圜善自圜為相頗薦進之明年鳳遷禮部侍郎圜為安重誨

所殺而誣以謀反是時重誨方用事雖明宗不能詰也鳳獨號哭

新史謂重誨曰任圜義士安肯為逆公濫刑如此何以贊國通鑑

七十重誨慚不能對新史初晉陽相者周元豹嘗言帝貴不可言

帝即位召欲詣闕通鑑二百鳳諫曰好惡上所慎也今陛下神其

術而召之則傾國之人皆將奔走吉凶之說轉相惑亂為患不細

明宗遂不復召朱守殷反明宗幸汴州守殷已誅又詔幸鄴是時

從駕諸軍方至河南徙家至汴不欲北行軍中為之洶洶而定州

王都復以為天子幸汴州誅守殷而又幸鄴以圖已疑不自安宰

相率百官詣閣請罷幸鄴明宗不聽人情大恐羣臣不敢復言鳳

手疏責安重誨言甚切直重誨以白遂罷幸新史上問鳳帝王賜

人鐵券何也對曰與之立誓令其子孫長享爵祿耳上曰先朝受此賜者止三人崇韜繼麟尋皆族滅朕得脫如毫釐耳因歎息久之鳳曰帝王心存大信固不必刻之金石也通鑑二百七十六有僧游西

域得佛牙以獻明宗以示大臣鳳言世傳佛牙水火不能傷請驗其真偽因以斧斫之應手而碎時宮中施物已及數千因鳳碎之

乃止天成四年拜門下侍郎同中書門下平章事李之儀姑溪居士集鳳為莊宗

實錄將何挺論劉昫疏不載昫既相引鳳共政事秘書少監于嶠者自莊宗時與鳳俱為翰林學士而嶠亦許直敢言與鳳素善及鳳已貴而嶠久不遷自

以材名在鳳上而不用因與蕭希甫數非斥時政尤詆訾鳳鳳心銜之未發嶠與鄰家爭水竇為安重誨所怒鳳即左遷秘書少監

嶠因被酒往見鳳鳳知其必不遜乃辭以沐髮嶠詬直吏又溺於從者直廬而去省吏白鳳嶠溺於客次且詬鳳鳳以聞明宗下詔

奪嶠官長流武州天下冤之新史長興元年安重誨使河中衙內

指揮使楊彥溫逐其節度使從珂新史唐紀六明宗疑其事重誨固請

用兵明宗不得已乃遣侍衛指揮使藥彥稠討之彥稠希重誨旨

斬彥溫以滅口重誨諷宰相言從珂失守宜得罪明宗怒曰吾兒

為姦人所中事未辯明公等出此言是不欲容吾兒人間耶趙鳳

因言春秋責帥之義所以勵為臣者明宗曰皆非公等意也新史安重

誨傳後重誨為邊彥溫等告變明宗詔彥溫廷詰具狀其詐即斬之

新史列傳重誨因求解職明宗慰之重誨論請不已明宗怒趣馮道等

議代鳳以為大臣不可輕動遂以范延光為樞密使而重誨居職

如故新史安重誨傳後數日鳳奏事中興殿曰臣聞姦人有誣重誨者明

宗曰此閑事朕已處置之卿可無問也鳳曰臣所聞繫國家利害

陛下不可以為閑因指殿屋曰此殿所以尊嚴宏壯者棟梁柱石

之所扶持也若折其一棟則一柱傾危矣大臣國之棟梁柱石也且重誨起微賤歷艱危致陛下為中興主安得使姦人動搖明宗改容謝之其後重誨得罪羣臣無敢言者獨鳳數言重誨盡忠明宗以鳳為朋黨罷為安國軍節度使鳳在鎮所得俸祿悉以分將校賓客廢帝入立名為太子太保病足居於家疾篤自筮投箸而歎曰吾家世無五十者又皆窮賤吾今壽過其數而富貴復何求哉清泰二年卒於家新史列傳鳳性豁達輕財重義凡士友以窮阨告者必傾其資餉之人士以此多之也舊史列傳

王思同幽州人也父敬柔歷瀛平儒檀營五州刺史思同母即劉仁恭女也舊史列傳思同事仁恭為銀胡鞞指揮使仁恭為其子守光

所囚思同奔晉以為飛騰指揮使梁晉相拒於莘思同築壘楊劉以功遷神武十軍都指揮使累遷鄭州防禦使思同為人敢勇善

騎射好學頗喜為詩輕財重義多禮文士新史列傳與人唱和自稱薊

門戰客舊史列傳然未嘗有戰功明宗時以久次為匡國軍節度使徙

鎮雄武是時吐蕃數為寇而秦州原作秦州誤今據新史改無亭障思同列四

十餘柵以禦之居五年新史列傳邊民懷惠華戎甯息長興元年入朝

舊史列傳明宗問以邊事思同指畫山川陳其利害思同去明宗顧左

右曰人言思同不管事能若是邪於是始知其材以為右武上將

軍京兆尹西京留守石敬瑭討董璋思同為先鋒指揮使兵入劍

門而後軍不繼思同與璋戰不勝而卻敬瑭兵罷思同徙鎮山南

道已而復為京兆尹西京留守應順元年潞王從珂反鳳翔馳檄

四鄰言姦臣幸先帝疾病賊殺秦王而立幼嗣侵弱宗室搖動藩

方陳已所以興兵討亂之狀新史列傳以思同當東出之道尤欲與之

相結遣推官郝詡押牙朱廷义等相繼詣長安說以利害餌以美

女不從則令就圖之思同謂將吏曰吾受明宗大恩今與鳳翔同

反借使事成而榮猶為一時叛臣况事敗而辱流千古之醜述乎

遂執詔等以狀聞通鑑二百七十九愍帝嘉其忠即以思同為西面行營

馬步軍都部署新史加同平章事舊史會諸鎮兵圍鳳翔破東

西關城從珂兵弱而守甚堅外兵傷死者眾從珂登城呼外兵而

泣新史告以已非反者其語甚哀外兵聞者皆悲之新史楊思同

雖有忠義之志而御軍無法通鑑二百七十九興元張虔釗攻城西督戰

甚急士卒苦之反兵攻虔釗走羽林指揮使楊思權呼曰潞王吾

主也乃引軍自西門入降從珂而思同未知猶督戰嚴衛指揮使

尹暉麾其眾曰城西軍入城受賞矣何用戰士卒解甲棄仗聲聞

數里遂皆入城降諸鎮之兵皆潰思同挺身走長安西京副留守

劉遂雍閉門不納乃走潼關從珂引兵東至昭應前鋒執思同從

珂責曰罪可逃乎思同曰非不知從王而得生恐死終不能見先

帝於地下從珂媿其言乃殺之舊史言潞王欲用之而思權之徒

盡得思同家財及諸妓女故尤惡思同屢啟於劉延明言思同不

可留慮失士心屬王醉不得報殺思同并其子德勝潞王醒召思

同左右報已誅之矣潞王怒延朗累日嗟惜之通鑑說同漢高祖即位贈侍中新史

許唐薊州人父信唐世以財雄邊郡後唐之季唐知契丹將擾邊

白其父曰今國政廢弛狄人必乘釁而動則朔易之地民罹其災

苟不即去且為所虜矣信以資產富殖不樂他徙唐遂潛齎百金

而南未幾晉祖革命果以燕薊賂契丹唐歸路遂絕嘗擁商貨於

汴洛間見進士綴行而出竊歎曰生子當令如此因不復行商宋

後晉許驥傳

李承約字德儉薊州人也性剛健篤實少習武事舊史列傳事劉仁恭

通鑑二百七十九

為山後八軍巡檢使將騎兵二千入仁恭為其子守光所囚承約

以其騎兵奔晉晉王以為匡霸指揮使從破八寨戰臨清以功累

遷洛汾二州刺史潁州團練使新史天成元年舊史明邠州原作

今據舊史及節度使毛璋在鎮多不法議者疑其有異志新史毛

明宗拜承約涇州節度副使往伺璋動靜承約見璋諭以禍福新

列傳徙璋鎮昭義璋欲不奉詔新傳言即時受代案新舊書毛璋傳

傳承約與觀察判官長安邊蔚從容說諭久之乃肯受代通鑑二

五明宗喜拜承約黔南節度使新史加檢校太保舊史承約以恩

信撫諸夷落勸民農桑興起學校居數年當代黔南人詣京師乞

留為留許一年召為左衛上將軍改左龍武統軍拜昭義軍節度

使復為左龍武統軍天福二年遷左驍衛上將軍新史進封開國

公舊史數請老不許卒年七十五贈太子太師新史列傳

張希崇字德峯幽州薊人也少好學通左氏春秋新史復癖于吟

詠天祐中劉守光為燕帥不喜儒士希崇乃擲筆自效舊史因事

軍中為偏將將兵戍平州新史八年契丹陷平州通鑑目錄得希

崇舊史言守光敗唐莊宗命周德威鎮其地希崇以舊籍隸麾下

陷平州在莊宗攻幽州之先其後未聞復得德威鎮而去案契丹

幽州無緣遣師守平州也舊史誤今從新史及通鑑知其儒者也

以為盧龍軍行軍司馬新史天成元年舊史明盧文進自平州亡

歸契丹因以希崇代文進為平州節度使遣其親將以三百騎監

之新史列傳希崇性和易通鑑二百居歲餘虜將喜其為人監兵稍怠

我寡奈何希崇曰吾誘其將殺之兵必潰去此去虜帳千餘里比

其知而徵兵吾屬去遠矣眾曰善乃先為奔實以石灰明日召虜

將飲并從者殺之投諸筭中其營在城北亟發兵攻之契丹眾皆

潰去希崇悉舉其所部二萬餘口來奔通鑑二百七十六明宗嘉之授汝

州防禦使既之任遣人迎母赴郡母及境希崇親肩版輿行三十

里觀者稱歎舊史列傳歷靈武節度使靈州地接戎狄戍兵餉道常苦

鈔掠希崇乃開屯田教士耕種軍以足食而省轉饋明宗下詔褒

美希崇撫養士卒招輯夷落自回鶻瓜沙皆遣使入貢居四歲上

書求還內地徙鎮邠甯晉高祖入立新史列傳與契丹修好恐其取靈

武復以希崇為朔方節度使通鑑二百八十八希崇歎曰吾當老死邊徼豈

非命邪希崇事母至孝朝夕母食必侍立左右徹饌乃敢退新史列傳

性雖仁恕嫉惡若仇在邠州有民與郭氏為義子因復戾遣之郭

氏死有嫡子已長郭氏諸親與義子約云是親子欲分其財助而

訟之前後數政不能理希崇覽其訴判并付親子所訟人與朋姦

者委法官以律定刑聞者服其明舊史列傳為將不喜聲色好讀書頗

知星歷天福三年月掩畢口大星希崇歎曰畢口大星邊將也我

其當之乎明年正月卒贈太師新史列傳

呂琦字輝山幽州安次人也父充為橫海軍節度判官節度使劉

守文與其弟守光以兵相攻守文敗死其吏民立其子延祚而事

之以充為謀主新史列傳乘城拒守通鑑二百六十七已而延祚又為守光所

敗充見殺守光怒充并族其家琦年十五厚德錄作年十四見執將就刑

新史列傳有趙玉者厚德錄作李玉幽薊之義士也久游於充門下舊史列傳給其

監者曰此吾弟也新史列傳勿妄殺監者信之遂挈以逃通鑑二百六十七琦

足弱不能行玉負之逾數百里變姓名乞食於道以免琦為人美

風儀重節概新史列傳感家門殄滅力學自立通鑑二百六十七游於汾晉舊史

列傳唐莊宗鎮太原新史列傳聞其名通鑑二百六十七授代州軍事判官秩滿

太原監軍使張承業重琦器量禮遇尤厚天成初拜殿中侍御史

遷駕部員外郎兼侍御史知雜事舊史列傳河陽主藏吏盜所監物下
軍巡獄吏尹訓納賄反其獄其冤家訴於朝下御史臺按驗得
訓贓狀奏攝訓赴臺訓爲安重誨所庇不與琦請不已訓懼自殺
獄乃辨蒙活者甚衆遷禮部郎中史館修撰長興中廢帝失守河
中罷居清化坊與琦同巷琦數往過之後廢帝入立待琦甚厚拜
知制誥給事中樞密院直學士端明殿學士時晉高祖鎮河東有
二志廢帝患之琦與李崧俱備顧問多所裨畫琦言太原之患必
因契丹爲助不如先事制之與契丹通和如漢故事歲給金帛妻
之以女使強藩大鎮顧外無所引援可弭其亂心崧以琦語語三
司張延朗新史列傳延朗曰如學士計不惟可制河東亦省邊費之什
九計無便於此者請於庫藏之外措拾以供之通鑑二百八因共建其
事廢帝大喜侘日以琦等語問樞密直學士薛文遇文遇以爲非

因誦戎昱社稷依明主安危託婦人之詩以誚琦等廢帝大怒急
召琦等問和戎計如何琦等察帝色怒亟曰臣等爲國計非爲契
丹求利於中國也新史列傳願陛下察之拜謝無數帝詬責不已琦氣
竭拜少止帝曰呂琦強項肯視朕爲人主耶琦曰臣等爲謀不臧
願陛下治其罪多拜何爲帝怒稍解止其拜各賜卮酒罷之通鑑二百八
其議遂寢因遷琦御史中丞居數月復爲端明殿學士其後晉
高祖起太原果引契丹爲助遂以亡唐新史列傳帝幸懷州趙德鈞駐
軍於團柏谷帝以琦嘗在德鈞幕下因令齎都統使官告以賜之
且犒其軍及觀軍於北陲館於忻州會晉祖降下晉安寨遣使告
於近郡琦適遇其使卽斬之以聞尋率郡兵千人間道而歸舊史列傳
晉祖入洛琦匿於伊闕民家名爲舊史李崧傳秘書監累遷兵部侍郎
新史列傳琦以剛直聞而內實仁恕高祖數召琦於便殿言當世事甚

奇之

舊史列傳

天福八年卒趙玉仕至職方員外郎

新史列傳

琦常以玉免

已於難

孔平仲續世說

事之如父玉疾親嘗藥扶持及卒為其家主辦喪

王子文度幼孤琦教以學如己子後舉進士及第琦有子餘慶端

新史列傳

時議者以非玉之義不能存呂氏之嗣非琦之仁不能撫趙

氏之孤惟仁義二公得之燕趙之士流為美談

續世說

後漢

劉審交字求益幽州文安人也少畧知書通於吏事為唐興令補

范陽牙校劉守光僭號以審交為兵部尚書守光敗歸太原唐莊

宗以為從事

新史列傳

同光初趙德鈞鎮幽州以內官馬紹宏為北面

轉運使辟審交為判官

舊史列傳

天成三年義武節度使王都反

命王晏球進討以審交為轉運供軍使王都平以勞授遼州刺

史明年復為北面轉運使改磁州刺史

舊史列傳

以母老去官母喪哀

毀過禮不調累年

舊史作不出累年

晉高祖即位楊光遠討范延光於魏

州審交復為供軍使是時高祖分戶部度支鹽鐵為三使歲餘三

司益煩弊乃復合為一拜審交三司使議者請校天下民田宜得

益租審交曰租有定額而天下比年無閑田民之苦樂不可等也

遂止不檢而民賴以不擾遷右衛上將軍

新史列傳

六年出為陳州防

禦使

舊史列傳

視民田見耕器薄陋乃取河北耕器為範為民更鑄安

從進平徙審交襄州又徙青州皆有善政罷還契丹犯京師留蕭

翰而去翰復以審交為三司使

新史列傳

時漢高祖已建號太原翰懼

將北歸慮京師無主則眾皆為亂乃遣蕃騎至洛迎唐明宗幼子

許王從益知南朝軍國事

舊史蕭翰傳

高祖擁兵而南從益遣人召高

行周武行德等為拒行周等皆不至

新史唐明宗家人傳

從益母王淑妃與

羣臣謀迎高祖或謂燕兵在京師者猶數千可以城守而待行周

淑妃不從議未決審交曰余燕人也今為燕守城當為燕謀新史列傳

顧事有不可如何者今城中大亂之餘公私窮竭遺民無幾若復

受圍一月無噍類矣願諸公勿復言一從太妃處分通鑑二百八十七從

益乃罷不設備遣人西迎高祖高祖至罷審交不用隱帝時為汝

州防禦使有能名乾祐三年卒年七十四州人聚哭柩前上疏乞

留葬近郊使民得歲時祠祭詔特贈太尉起祠立碑新史列傳

龍敏字欲訥幽州永清人也少仕州攝參軍劉守光亂敏避之滄

州遂客於梁久不調敏素善馮道道為唐莊宗從事乃潛往依之

監軍張承業謂道曰聞子有客可與俱來道以敏見承業辟敏監

軍巡官使掌奏記莊宗即位召拜司門員外郎敏父盛式舊史作

年七十餘而其祖父年九十餘皆在鄴新史列傳以家貧乏養求為興

唐少尹舊史列傳事祖父以孝聞丁母憂去職新史列傳同光四年

鄴都軍將趙在禮反新史唐紀五逼敏起視事明宗即位禮鎮滄州

敏乃得復居喪服除拜吏部侍郎時晉高祖起太原乞兵契丹唐

廢帝在懷州趙德鈞父子有異志張敬達屯於晉安勢甚危急廢

帝問計從臣敏曰晉所恃者契丹也東丹王失國之君今在京師

若以兵送東丹自幽州而入西樓契丹且有內顧之憂何暇助晉

晉失契丹大事去矣新史列傳帝深以為然而執政恐其無成議久不

決通鑑二百八十二又謂李懿曰君連姻帝戚社稷之危不俟翹足安得默

默苟全邪舊史列傳懿為言德鈞必能破敵之狀通鑑二百八十二敏曰敏燕人

也能知德鈞德鈞為將守城嬰塹篤勵健兒而已使其當大敵奮

不顧身非其能也况有異志乎新史列傳今從駕兵尙萬餘人馬近五

千匹若選精騎一千使僕與郎萬金將之自介休山路夜冒虜騎

入晉安寨但使其半得入則事濟矣張敬達等陷於重圍不知朝

廷聲聞若知大軍近在圍柏雖有鐵障可衝陷况虜騎乎通鑑二百八十

懿為言之廢帝新史帝曰龍敏之心極壯用之晚矣人亦以為大

言其慷慨感激皆此類也舊史歷晉為太常卿使於吳越是時使

吳越者見吳越王皆下拜敏獨揖之還遷工部侍郎乾祐元年傷

發於首卒贈右僕射新史

後周後周扈載字仲熙北燕人也少好學善屬文新史賦頌碑贊其所尤長

舊史廣順初舉進士高第拜校書郎直史館再遷監察御史其為

文章以辭多自喜常次歷代有國廢興治亂之迹為運源賦甚詳

又因遊相國寺見庭竹可愛作碧鮮賦題其壁世宗聞之遣小黃

門就壁錄之覽而稱善因拜水部員外郎知制誥翰林學士賜緋

而載已病不能朝謝居百餘日乃力疾入直院學士世宗憐之賜

告還第遣太醫視疾新史初載以文章馳名宋史李穀傳穀傳一時樞密使

王朴尤重其才薦於宰相李穀久而不用朴以問穀曰扈載不為

舍人何也穀曰非不知其才然載命薄恐不能勝朴曰公為宰相

以進賢退不肖為職何言命耶宋史李穀傳王朴薦令知制誥

云與此已而召拜知制誥及為翰林學士居歲中病卒年三十六

新史載自解褐至終纔四年有才無命時論惜之舊史

南唐南唐高越字冲遠幽州人精詞賦有名燕趙間馬令南唐書云精警有才思

鎮上黨具禮幣致之初以客從及文進徙安州越又從之遂為其

掌書記文進仲女有才色能屬文號女學士因以妻越陸游南唐

晉高祖立與契丹約為父子新史盧文進以嘗背契丹舊史盧南

奔越與俱行先投鄂帥張宣久不見知越題鷹詩以諂之十國春秋

馬令南唐書載越以鷹詩誚張宣云晴空不碍摩天翻未肯平原淺草飛遂不告而去所說不同

奔吳亦與俱吳以為秘書郎烈祖受禪遷水部員外郎改祠部浙西營田判官與

江文蔚俱以能賦擅名江表時人謂之江高保大初文進卒

陸書列傳

馮延巳誣以陰事收文進諸子欲籍其家越上書訟文進冤指延

已過惡詞氣甚厲時延巳方用事人頗壯之元宗怒以越屬吏貶

蘄州司士參軍而盧氏亦賴以得全

陸書盧文進傳

就遷軍事判官與隱

士陳曙為物外交淡然不志榮利久之仍徙廣陵令還判吏部歷

侍御史知雜元帥府掌書記起居郎中書舍人淮南交兵書詔多

出越手援筆立就詞采温麗元宗以為稱職不徙官者累年後主

立始遷御史中丞勤政殿學士左諫議大夫兼戶部侍郎修國史

卒年六十二諡曰穆貧不能葬後主為給葬費世歎其清

陸書列傳

越好釋氏著有舍利塔記一卷

十國春秋列傳

兄子遠

陸書列傳

遠字攸遠父操袁州別駕遠少孤為人夷雅冲淡而遇事有奇節

杜門力學不交人事烈祖受禪招來四方秀傑得遠以為秘書省

正字保大初遷校書郎兼太常修撰遂為太常博士淮南兵興元

宗召見賜金紫使典戎府書檄歷禮部員外郎樞密判官侍御史

知雜史館修撰起居郎知館事遂為勤政殿學士國初命兵部尚

書陳濬修吳史未成而卒其後領史職者多貴游或新進少年纂

述殆廢遠自保大中預史事始撰烈祖實錄二十卷敘事詳密後

主嗣位遠猶在史館與徐鉉喬匡舜潘佐共成吳錄二十卷遠又

自撰元宗實錄十卷

唐餘紀傳云編緝昇元以來故事為一家之言

未及上會屬疾取史

稿及他所著書凡百餘卷悉燔之卒年五十七贈給事中諡曰良

後主欲修國史訪稿於其家無復在者遠有精識方邊鎬入潭州

湖南悉平百官入賀遠獨曰我乘楚亂取之甚易觀諸君之才守

之實難聞者愕然以為過及後如所料乃皆服其先見陸游南唐書高越附傳

盧文進字大用舊五代史作國用范陽人新五代史列傳身長七尺飲啖過人望

之偉如也少事劉守光為騎將唐莊宗攻燕以文進首降遙授壽

州刺史舊五代史列傳莊宗以屬其弟存矩存矩為新州團練使統山後

八軍莊宗與劉鄩相距於莘召存矩會兵擊鄩存矩募山後勁兵

數千人課民出馬人皆怨而兵又不樂南行至祁溝關聚而為亂

新史殺存矩文進不能制撫膺哭其尸曰奴輩害即君使我何面

見晉王因為眾所擁通鑑二百六十新史言文進有女幼而美

亂軍殺存矩與此小異反攻新州不克攻武州又不克遂奔契丹

通鑑用舊史今從之也命為幽州兵馬留後舊史列傳又以為盧龍節度使契丹國志使守平

州新史列傳娶虜公主陸游南唐書列傳明宗即位新史列傳遣使間說之文進所

部皆華人思歸乃殺契丹戍平州者通鑑二百六十九帥眾數萬歸唐明

宗得之甚喜以為義成軍節度使居歲餘徙鎮威勝加同平章事

人為上將軍出鎮昭義徙安遠頗有善政兵民愛之晉高祖立與

契丹約為父子文進懼不自安新史列傳且本燕人尚氣不能屈於晉

乃決計歸吳陸書列傳將行從數騎馳至營中別其將士告以避契丹

之意將士皆再拜為訣新史列傳乃殺行軍司馬馮知兆節度副使杜

重貴等率其部眾奔金陵舊史列傳拜大雄統軍宣潤節度使委任賓

佐政績甚美潤州市大火文進馬步使救之益熾文進怒自出府

門斬馬步使傳聲而火止九國志云使召馬步使將斬之聲至火即滅人皆異之召還

以左衛上將軍兼中書令范陽王奉朝請猶給藩鎮俸卒馮延巳

惡文進文進亦以素貴不少下及卒乃誣以陰事盡收文進諸子

欲籍其家陸書列傳營田判官高越文進女夫也十國春秋列傳上書訟之陸書

陸書列傳

高越傳元宗怒以越屬吏貶蘄州司士參軍而盧氏亦賴以全陸書列傳

先是文進攻新州不克夜走墜塹一躍而出明日視之乃郡之黑

龍潭也絕岸數丈深不可測又嘗有大蛇徑至座間引首及膝文

進取食飼之而去由是自負馬書列傳反復南北終無挫衄焉十國春秋列傳

其奔契丹也數引契丹攻掠幽薊之間虜其人民教契丹以中國

織紵之作無不備契丹由此益疆及其南奔始屈身晦迹務為恭

謹禮接文士謙謙若不足其所談論近代朝廷儀制臺閣故事而

已未嘗言兵新史列傳嘗云陷契丹中屢入絕塞正晝方獵天色晦黑

眾星燦然問蕃人云所謂筮却日也陸書作筮日以此為常頃之乃明

方午也又嘗於無定河見人脛骨一條大如柱長可七尺南部新書

異事云十國春秋列傳

潘佑幽州人祖貴事劉仁恭為將守光殺之父處常脫身南奔事

烈祖為散騎常侍佑生而狷潔閉門苦學不省人事文章議論見

推流輩陳喬輩薦於元宗起家秘書省正字後主在東宮開崇文

館以招賢佑預其間及嗣位遷虞部員外郎史館修撰議納后禮

援據精博遷知制誥召草勸南漢書文不加點陸書列傳累數干言情

辭款洽識者稱之十國春秋列傳遷中書舍人後主以潘卿稱之酷喜老

莊之言陸書列傳嘗作文名曰贈別其辭曰十國春秋列傳莊周有言得者時

也失者順也安時處順則哀樂不能入也僕佩斯言久矣夫得者

如人之有生自一歲至百歲自少至壯自壯得老歲運之來不可

卻也此所謂得之者時也失之者亦如一歲至百歲暮則失早今

則失昔壯則失少老則失壯行年之去不可留也此所謂失之者

順也凡天下之事皆然也達者知我無奈物何物亦無奈我何也

其視天下之事如奔車之歷蟻蛭也值之非得也去之非失也燕

其視天下之事如奔車之歷蟻蛭也值之非得也去之非失也燕

之南越之北日月所生是為中國其間含齒戴髮食粟衣帛者是
為人剛柔動植林林而無窮者是為物以聲相命是為名倍物相
聚是為利彙首而芸芸是為事事往而記於心為喜為悲為怨為
恩其名雖眾實一心之變也始則無物終復何有而於是強分彼
我彼謂我為彼我亦謂彼為彼彼自謂為我我自亦謂為我終不
知孰為彼耶孰為我耶而世方徇欲嗜利繫心於物局促若轅下
駒安得如列禦寇莊周者焚天下之轅釋天下之駒浩浩乎復歸
於無物歟陸書建州節度使李平習其說因相與遊陸書李平傳開寶
五年更官名改內史舍人初與張洎相親厚及俱在西省所趨既
異情好頓衰每歎曰堂堂乎張也難與并為仁矣時南唐日衰削
用事者充位無所為佑憤上疏極論時政歷詆大臣將相詞甚激
訐陸書獨稱薦李平請以判司會府羣議益不平陸書李平傳後主雖

數賜手札嘉歎終無所施用佑七疏不止且請歸田廬乃命佑專
修國史悉罷他職而佑復上疏曰三軍可奪帥也匹夫不可奪志
也臣乃者繼上表章凡數萬言詞窮理盡忠邪洞分陛下力蔽姦
邪曲容諂偽遂使家國悒悒如日將暮古有桀紂孫皓者破國亡
家自己而作尚為千古所笑今陛下取則姦回敗亂國家不及桀
紂孫皓矣臣終不能與姦臣雜處事亡國之主陛下必以臣為罪
則請賜誅戮以謝中外詞既過切張洎從而擠之後主遂發怒以
佑素與李平善意佑之狂直多平激之又以建白造民籍為所排
乃先收平屬吏併使收佑佑聞命自剄年三十六陸書佑有文而
容陋其妻右僕射嚴續之女有絕態一日晨妝佑潛窺於鏡臺面
落鏡中妻怖遽倒怒其惡已因棄之湘山野錄佑母方娠夢古衣冠人
告曰我顏延之也與夫人為子及生七歲始能語曰兒誤傷白龍

為上帝所罰也因吟詩云朝遊滄海東暮歸何太速祇因騎折白

龍腰謫向人間三十六馬書果當其歲死湘山野錄饒州處士劉洞賦

詩弔之國中人人誦傳為泣下及王師南征下詔數後王殺忠臣

蓋謂佑也陸書

前蜀

王宗瑤字寶臣燕人也本姓姜名郅以騎射隸許昌軍籍中王建

擢為隊長建迎駕山南宗瑤以勇伉得隸左神策軍能馬上盤槊

長丈八尺每臨陣馳突人望而畏之遷威猛副兵馬使九國志光啟

二年進攻閬州新史前蜀世家為先鋒十九都頭左夙猛都知兵馬使

賜姓名九國志又言軍至綿竹誘諸蠻酋帥蹇諫等得兵數

之通鑑建軍綿竹在文德元年其時與陳敬瑄相攻其破常厚及

前蜀世家在大順二年其時常厚執宗弼攻梓州時地皆不同志

合三事為一殊混原其所以誤者前蜀世家言建招集亡命及溪

洞夷落有衆八千以攻閬州其事與軍綿竹時說士首事相類故

耳今建又攻利州西川節度陳敬瑄患之以問監軍田令孜令孜

使人招建新史前蜀世家建帥麾下精兵二千與宗瑤俱西至鹿頭關敬

瑄海遣人止之增修守備建怒破關而進通鑑二百五十七拔漢川陷德

陽宗瑤之功為多十國春秋列傳建攻成都不克退軍新都時綿竹土豪

何義陽安仁費師勳等所在擁兵自保眾或萬人少者千人建遣

宗瑤說之通鑑二百五十七皆帥眾來附且饋以貲糧一軍為之大振十國春秋

列傳天順二年據前蜀世家補破常厚授蜀州刺史九國志景福初官茂州

刺史將兵攻彭州敗楊晟於城下未幾徙簡州十國春秋列傳乾甯二年

左右神策軍護軍中尉駱全瓘劉敬宣指揮使王行實李繼鵬反

新書昭宗幸蜀石門建以宗瑤為北路行營都指揮使九國志將

兵赴難通鑑二百六十一十國春秋言三鎮犯闕宗瑤帥師赴難

東皆辭還鎮其後李繼鵬之亂昭宗幸石門鎮建始遣宗瑤赴難九國志所言較確

奏授嘉州刺史九國志屯

兵綿州軍容甚盛國人莫不嘖嘖稱之十國春秋天復中授武信軍節

度使建開國加太子少傅九國志六年建即皇帝位前蜀世家唐

天祐建與唐隔絕封臨淄郡王九國志十國春秋敘封王於後

不知故仍稱天復兼中書令永平五年充東北面招討使攻鳳州

皇帝位封其諸子遂克其地十國春秋建病亟以宗瑤為金吾使參預顧命衍嗣位授

太傅嘗自作高冢遇暇則酣飲高歌於其中無疾忽一旦默坐而

卒年六十七人以為知死九國志

後蜀

孫欽幽州安次人性忠烈善騎射少遇亂隸安義軍節度使充衙

內都頭後改補合州衙內都頭兼主客都虞候從本州刺史徐章

入蜀會孟知祥鎮成都長興初轉充右截山都頭董璋來寇戰鷄

蹤橋有功遷普州刺史祖襲位累遷東州武德軍左奉聖都指揮

使九國志廣政中郭延鈞判武德軍與監押王承丕不相協承丕陰

謀作亂會欽以郭兵戍邊過辭承丕承丕挾與俱見延鈞十國春秋

欽不知其謀從之承丕至則令左右擊殺延鈞屠其家稱奉詔處

置軍府即開府庫賞士卒出繫囚發屯戍通鑑二明日大會將校

寮屬九國志欽謂承丕曰今延鈞已伏辜公宜出詔書以示眾承丕

曰我能致公富貴勿問詔書通鑑二欽知其反也因給曰今內外

未安我當以部兵為公巡察即麾鞭躍馬而出承丕連呼之十國春秋

列不止欽至營曉諭其眾通鑑二曰承丕不道枉殺府公非反而

何當共誅之遂帥兵入府攻承丕十國春秋承丕左右欲拒戰叱之

皆棄兵走遂執承丕斬之并其親黨傳首成都通鑑二加檢校太

子賓客二十五年寢疾卒年七十二九國志

宋

趙普字則平幽州薊人宋史列傳性深沈有岸略通鑑輯覽七十一顯德初辟

永興劉詞節度從事表薦於朝范質征淮南奏為軍事判官宣祖

臥疾滁州普奉侍藥餌宣祖待以宗分宏簡錄九十九案孫公

營營前陳學究聚生徒為學宣祖遣藝祖從之上微時猶嫉惡不

容人過陳時時開論後得趙學究即館于汴第杜后錄陳之舊召

至門下與趙俱為門客然藝獨與趙計事陳不與也趙學究即趙

普據此則普從太祖已久與宏簡錄及宋史所載互異今附錄於

此以太祖嘗與語奇之時獲盜百餘普疑有無辜者啟太祖訊鞠

之獲全活者眾宋史列傳淮南平改渭州判官自此太祖領同州鎮宋

州日見親用表為掌書記陳橋推戴普先預聞與匡義排闥入告

眾方擁入及受禪宏簡錄以佐命功授右諫議大夫充樞密直學士

宋史列傳征李筠與呂餘慶留守事平遷兵部侍郎樞密副使宏簡錄建隆

元年宋主尊其母杜氏為皇太后后有疾召普入受遺命普即榻

前為誓書於紙尾署曰臣普記通鑑輯覽案誓書即杜太后言

命也三年拜樞密使檢校太保宋主謂普曰天下自唐季以後

數十年間帝王凡易八姓鬪戰不息生民塗炭其故何也吾欲息

天下之兵為國家長久計其道何如對曰此無他方鎮太重君弱

臣強而已今欲治之宜稍奪其權制其錢穀收其精兵則天下自

安矣通鑑輯覽乾德二年范質等三相同日罷以普為門下侍郎平章

事集賢殿大學士宋史列傳普既相以天下為己任宋主倚任之通鑑輯覽

相視如左右手事無大小悉咨決焉每退朝慮上微行不敢便衣

冠宏簡錄一日大雪向夜普意帝不出久之間叩門聲普亟出帝立

風雪中普惶懼迎拜帝曰已約晉王矣已而太宗至設重裊地坐

堂中熾炭燒肉普妻行酒帝以嫂呼之因與普計下太原宋史列傳普

曰太原當西北二面若下我獨當之不如姑俟削平諸國則彈丸

黑子之地將安逃乎帝曰吾意正如此特試卿耳又嘗以幽燕地

圖示普問進取之策普曰圖必出曹翰上曰然因問翰可取否對曰翰可取孰可守上曰以翰守之又曰翰死孰可代其深慮類若此宏簡錄普嘗薦某人為某官宋主不許明日復奏亦不許明日又奏宋主大怒裂碎奏牘擲地普顏色不變跪而拾之以歸他日補綴舊牘復奏如初宋主乃悟卒用其人又有羣臣當遷官宋主素惡其人不與普堅以為請宋主怒曰朕固不與遷卿若之何普曰刑賞天下之刑賞陛下豈得以喜怒專之宋主怒甚起普亦隨之宋主入宮普立宮門久之不去竟得俞允其剛毅果斷又如此通鑑五年加右僕射昭文館大學士至開寶中獨任相位及十年為政頗自專廷臣多忌者宏簡錄六年帝幸其第時錢王俶遣使致書於普及海物十瓶置廡下不及屏帝顧問何物普以實對上曰海物必佳即命啟之皆瓜子金也普惶恐頓首謝曰臣未發書實不

知帝歎曰受之無妨彼謂國家事皆由汝書生耳宋史列傳太祖常與

普議事有不合上曰安得宰相如桑維翰者與之謀乎普曰使維翰在亦不用蓋維翰愛錢太祖曰苟用其長亦當護其短措大眼

孔小賜與十萬貫則塞破屋子矣東軒筆錄未幾出為河陽三城節度

檢校太傅同平章事太平興國初入朝頗為盧多遜所毀奉朝請

上書自陳預聞太祖昭憲皇太后顧託之事辭甚切太宗感悟召

見慰諭俄拜司徒兼侍中封梁國公宋史列傳八年復出為武勝軍節

度使宏簡錄九帝作詩餞之賜宴長春殿普奉詩泣曰陛下賜臣

詩當刻石與臣朽骨同葬泉下帝為之動容雍熙三年大軍討幽

薊普具疏切諫願罷伐燕之師帝手詔褒答四年冊拜太保兼侍

中尋免朝有大政則召對淳化三年以老病乞骸骨拜太師封魏

國公未幾卒宋史列傳上聞之震悼謂近臣曰普盡忠國家真社稷臣

也通鑑普少習吏事寡學術及為相太祖嘗勸以讀書晚年手不

釋卷每歸私第闔戶啟篋取書讀之竟日及次日臨政處決如流

既薨家人發篋視之則論語二十篇也宋史普嘗謂帝曰臣有論

語一部以半部佐太祖定天下以半部佐陛下致太平通鑑太祖

嘗謂普曰天下何物最大普熟思對曰道理最大上屢稱善補筆

真宗咸平初追封韓王宋史列傳

趙上交涿州范陽人本名遠字上交避漢祖諱以字行祖光鄴鄂

州錄事參軍父簡章涿州司馬宋史列傳上交色黑身長美風儀善談

論負才任氣為鄉里所推宏簡錄一後唐同光中嘗詣中山干王

都有和少微者在都門下忌之頗毀訾上交都遂不為禮上交不

得志宋史列傳南游洛陽為中官馬紹宏北面轉運制置判官遷殿中

丞宏簡秦王從榮開府以上交為虞部員外郎累遷司封郎中充

判官從榮素豪邁不遵禮法好昵羣小上交從容言曰宋史大王

地居上嗣當勤修令德奈何所為如是勿謂父子至親為可恃獨

不見恭世子戾太子乎通鑑二百九十一從榮怒而出之宋史列傳

鎮州節度判官從榮後果及禍僚屬皆斥由是知名通鑑晉初召

為左司郎中累遷刑部侍郎奏言長興中詔書凡州縣官詳讞刑

獄昭雪人命者不限歲月赴選許令超資注官仍賜章服然未該

及內外職司乞自今但能雪活冤獄不限中外官並加旌賞俟考

滿詣刑部投狀從之宏簡錄轉戶部侍郎拜御史中丞彈舉無所阿

避漢祖卽位授檢校禮部尚書太僕卿遷秘書監全唐文周祖監國

命太師馮道迎湘陰公于於州以上交副之宋史列傳廣順初拜禮部

侍郎會將試貢士上交申明條制頗為精密始復糊名考校擢扈

載甲科及取梁周翰董淳之流時稱得士轉戶部侍郎宋史列傳明年

再知舉拒樞密王峻所薦童子峻怒奏其選士失實改太子詹事
顯德初遷賓客二年拜吏部侍郎尋免官入宋全唐起為尚書右
丞建隆二年卒年六十七涖官以幹密聞時稱有公輔器雅好吟
詠有集二十卷張昭為序宏簡子曦字可畏七歲喪母過哀十二
能屬文與兄峻同舉進士未成名而兄天遂以蔭補千牛備身歷
秘書郎殿中丞著作郎卒年二十六有集十卷太宗嘗取以入內

宋史

趙匡贊字元輔本名美

遼史拾遺

後避宋太祖偏諱遂去匡名贊云

幽州薊人也

十國春秋

祖德鈞父延壽自有傳贊幼聰慧後唐明

宗愛之與諸子外孫並育於六宅稱為令器

宏簡錄百五十七

德鈞奏臣

孫贊年五歲默念論語孝經

宋史趙贊傳贊七歲誦書二十七卷與此小異

舉童子於

汴州取解就試詔曰都尉之子太尉之孫能念儒書備彰家訓不

勞就試特與成名宜賜別敕及第附今年春榜

續世說

案宋史

部春

久之延壽出鎮宣武軍因奏署牙內都校

宋史

清泰末德鈞

父子降契丹贊獨與母公主留西洛

遼史拾遺

天福三年晉祖命贊奉

母歸薊門契丹署為金吾將軍

宋史

未幾契丹主以延壽為幽州

節度使

舊史趙延壽傳

又署匡贊為牙內都校

十國春秋

天福末契丹與少帝

絕好契丹主委延壽以圖南之事

舊史延壽傳

及平原陷匡贊復受契

丹署為河中節度使延壽從契丹北歸匡贊得留鎮河中

十國漢春秋

高祖起晉陽匡贊奉表勸進加檢校太尉仍鎮河中

遼史拾遺

至霍邑

遣使諭匡贊仍以契丹囚其父延壽告之

通鑑二

或傳延壽已死

郭威言於漢主曰趙匡贊契丹所署今猶在河中宜遣使弔祭因

起復移鎮彼既家國無歸必感恩承命從之徙匡贊為晉昌節度

使通鑑匡贊懼漢疑已

十國春秋

潛謀歸蜀判官李恕諫止

宏簡

乃遣恕

奉表於漢請入朝通鑑漢祖見恕問贊何以附蜀恕曰贊家在燕薊
身受契丹之命自懷憂恐謂陛下終不能容招引西軍蓋圖苟免
臣意國家甫定務安臣民所以令臣乞哀求覲漢祖曰匡贊父子
本吾人也事契丹出於不幸今聞延壽落陷甯吾忍不容匡贊耶
恕未還匡贊已離鎮十國春秋漢祖納之入朝命為左驍衛上將軍仕
周歷左右羽林左龍武三統軍世宗南征初遣巡警壽州城外歸
京留諸將分兵圍壽春贊獨當東面諸將戰不利贊能特重自秋
涉冬未嘗挫衄及再征壽春宏簡錄發近縣丁夫數千城鎮淮軍為
二城夾淮水徙下蔡浮梁於其間扼濠壽應援之路會淮水漲唐
濠州都監彭城郭廷謂以水軍沂淮欲掩不備焚浮梁匡贊規知
之伏兵邀擊破之通鑑紀事本末二百三十九及世宗移兵趣濠以牛革蒙大
盾攻城贊親督役矢集於胄雖被重傷猶力戰遂拔其羊馬城宋史

列傳淮南平以功授保信軍節度使視事之日盡去苛政務從寬簡

居民使之宋初移忠正軍檢校太師改鎮延州許以便宜行事乃

分置步騎前後不絕羌渾來迎者望見旌旗綿屬無不攝服宏簡錄

太祖討晉陽以為行營前軍馬步軍都虞候十國春秋車駕薄城下分

軍四面贊扼其西面宋史列傳北漢人乘晦突門前犯西寨贊率眾與

戰弩矢貫贊足未退續資治通鑑五太祖勞問數四宋史列傳賜以良藥改鎮

鄜州太宗時封衛國公卒年五十五贈侍中十國春秋贊頗知書喜為

詩容止閑雅接士大夫以禮馭眾有方略宋史列傳為政雖無異跡而

吏民畏服亦近代之賢帥也宏簡錄

宋琪字倣寶幽州薊人少好學宋史列傳通書史宏簡錄九十九晉祖割燕地

以奉契丹契丹歲開貢部琪舉進士中第天福六年幽帥趙延壽

辟琪為從事會契丹內侵隨延壽至京師延壽子贊領河中節度

使署琪為記室周世宗征淮南贊自右龍武統軍為排陣使復辟

琪從征及金陵歸欵以贊領廬州表為觀察判官部有冤獄琪辨

之免死者三人特加朝散大夫宋史列傳宋初拜左補闕太平興國中

自員外郎累遷尚書拜同平章事一統志九年九月上幸景龍門外

觀水磴宋史列傳因語侍臣此水出於山源清冷甘美故餘潤所及凡

近河水味皆甘琪對曰亦猶人之善惡以染習而成也上為醒然

宏簡錄其年冬郊祀禮畢加門下侍郎昭文館大學士宋史列傳未幾以

忤上意罷守本官端拱初耕藉田進吏部尚書宏簡錄時契丹屢寇

邊詔羣臣上備戎策琪請大軍於易州循孤山涉涿水抵桑乾河出

安禮砦案孤山口在順天府房山縣涿易二州分道處安禮砦在宛平縣南東瞰燕城纔及一舍此

周德威取燕之路下視孤壘取燕必克通鑑琪本燕人以故究知

蕃部兵馬山川形勢俄又上奏曰國家將平燕薊臣敢陳十策一

契丹種族二料賊眾寡三賊來布置四備邊五命將六排陣討伐

七和藩八饋運九收幽州十滅契丹疏奏頗採用之消化二年詔

百官轉對琪首應詔建明堂辟雍之議五年宋史列傳朝廷討李繼遷

及四川賊帥李順又上書言頃任延州判官經涉五年蕃部之事

熟於聞聽又任西川數年經歷山川備見形勢要害語多不錄上

密寫其奏付軍中令將士擇利而行宏簡錄至道元年春大宴於含

光殿上問琪年對曰七十有九上因慰撫久之宋史列傳退乃作多幸

老民敘謂洪範五福宏簡錄人所難全而已兼有之實天幸也宋史列傳

二年拜右僕射月給實俸許五日一朝九月被病口占遺表而薨

贈司空諡惠安宏簡錄琪素有文學頗諧捷在使府前後三十年周

知人情尤通吏治在相位日百執事有所求請多面折之以是取

怨於人宋史列傳始為程羽賈玟所抑繼為盧多遜所忌其後自員外

郎歲中四遷至尙書居相位卽此而觀則守道蒙福者非幸致也

宋史子貽序右贊善大夫貽麻大理評事貽廣童子出身宏簡貽

序嘗預修冊府元龜筆札道勁未幾坐事左遷復州副使爲殿中

丞卒宋史

宋雄者亦幽州人初與琪齊名宋史人稱二宋在郊祁之前叢考

仕契丹爲應州從事至觀察判官宏簡錄九十九雍熙三年三月丁亥潘

美攻應州雄舉城降授雄爲鴻臚少卿同知州事改光祿少卿遼

遺拾歷知均唐二州未幾護河陰屯兵以知河渠利害命領護汴口

均節水勢以達轉漕京師賴之改太子詹事復爲光祿少卿遷將

作監宋史列傳所至職事修舉公私倚任頗涉文史善談論有氣節士

流多推許之宏簡錄景德元年卒宋史列傳

董遵誨涿州范陽人父宗本善騎射隸契丹帥趙延壽麾下嘗以

事說延壽不能用及延壽被執舉族南奔宋史漢祖擢宗本隨州

刺史署遵誨牙校入周從其舅高懷德北征師次高平與晉人遇

遵誨先出奇兵逆擊大軍繼進遂敗之又隨韓通克秦鳳二州宏

錄一百戰於唐倉先登陷陣擒蜀招討使王鸞以獻師還錄其前

後功補東西班押班又遷驍武指揮使宋史太祖始徵時客遊漢

東嘗依宗本宏簡錄遵誨馮藉父勢侮之通鑑輯覽嘗謂太祖曰宏

列傳每見城上有紫雲如蓋又夢登高臺遇黑蛇約長百餘尺俄化

龍飛騰東北去雷電隨之是何祥也太祖皆不對他日論兵遵誨

理屈拂衣起太祖乃辭宗本去通鑑於是紫雲漸散及卽位召見

便殿遵誨伏地請死帝令左右扶起因諭之曰卿記往日紫雲化

龍之夢乎宏簡錄遵誨再拜呼萬歲宋史列傳俄部卒訴其不法十餘事

帝釋不問益惶愧待罪諭曰朕方赦過賞功豈念舊惡可勿復憂

遵誨感泣宏簡錄遵誨母在幽州患難睽離太祖厚賞邊民購得之

仍加優賜通鑑輯覽遵誨遣外弟劉綜貢馬以謝太祖解其所服真珠

盤龍衣命齋賜之綜曰遵誨人臣豈敢當此太祖曰吾方委以方

面不此嫌也宋史列傳乾德六年以西夏近邊授通遠軍使一統志遵誨

至鎮召諸酋長諭以朝廷威德眾皆感悅後數月復來擾邊遵誨

率兵深入其境俘斬甚眾獲羊馬數萬夷落以定通鑑輯覽太祖嘉其

功就拜羅州刺史太宗即位兼領靈州路巡檢宋史列傳在鎮十四年

宏簡錄安撫一面夏人悅服一統志嘗有剽掠靈武進奉使鞍馬兵器

者懼遵誨討盡歸之拜伏請罪遵誨即慰撫令去自是不敢有所

犯宏簡錄遵誨不知書豁達無崖岸多方略能挽強命中武藝皆絕

人歷太祖太宗朝委遇始終不替宋史列傳卒年五十六帝軫悼遣中

使護葬贈賻加等錄其子嗣宗嗣榮為殿直宏簡錄

張暉幽州大城人後唐清泰初隸控鶴軍累遷奉國弩手都頭宋史

列傳晉開運末與武行德奪契丹甲船於河陰為河陽弩手指揮使

宏簡錄一復令引兵趣懷州契丹將遁去因領州軍宋史列傳漢祖入

汴迎於滎陽授懷州刺史宏簡錄乾祐初郢州刺史慕容業治多不

法以暉為緣漢都巡檢使領唐州屯兵至郢州即代業還京改郢

州刺史宋史列傳周廣順初改沂州宏簡錄三年吏民詣闕舉留俄改冀

州會詔築李晏口束鹿安平博野百八橋武强等城命暉護其役

踰月而就從世宗征淮甸充壕砦都指揮使既拔楚泗即授泗洲

刺史改耀州俄為西南面橋道使宋史列傳宋初從征澤潞為行營濠

砦使先登陷陣遷華州團練使宏簡錄治有善狀續資治通鑑三建隆二年

太原未下詔入覲問計對曰澤潞經李筠之叛瘡痍未復軍旅一

興恐人力重困不如戢兵育民俟富庶而後為謀乃賜襲衣金帶

鞍馬宋史列傳慰勞遣還於是始謀伐蜀續資治通鑑蜀主欲通使王昭遠

固止之乃率兵屯峽路增置水軍帝聞之以暉為鳳州團練使通鑑

紀事本末暉盡得其山川險易上疏進取之計帝覽之甚悅續資治通鑑乾

德二年大軍西下乃以暉充西川行營先鋒都指揮使宋史列傳督兵

開大散關路躬撫士卒且役且戰人忘其勞至青泥嶺卒天禧中

妻年百五歲宏簡錄家貧詣闕自陳詔賜束帛錄其孫為三班借職

宋史列傳邊歸讜字安正幽州薊人宋史列傳檀州刺史退思之子宏簡錄一弱

冠以儒學名後唐末客游并邠宋史列傳晉祖鎮太原召置門下表為

河東節度推官試秘書郎大理評事天福初拜監察御史宏簡錄歷

殿中侍御史禮部員外郎充戶部判官遷水部郎中賜金紫宋史列傳

轉比部知制誥歷右諫議大夫給事中至右散騎常侍宏簡錄嘗上

言使臣經過州縣券料外妄自徵需以豐廉從多索人驢用遞行

李挾命為勢凌下作威供億稍遲即加鞭箠吏民受辱甯免怨嗟

欲望察訪得情嚴示懲戒從之漢初歷禮部刑部二侍郎宋史列傳是

時史宏肇為都指揮使與宰相樞密使共執國政而宏肇尤專任

新史康義誠傳論怙權專殺閭里告訐成風宋史列傳有醉者忤一軍卒軍卒

誣其訛言坐棄市李崧坐奴告變族誅新史史宏肇傳歸讜言曰邇來有

匿名書及言風聞事構害善良有傷風化遂使貪吏得以報復私

怨讒夫得以肆其虛誕請明行條制禁遏罔誣凡顯有披論具陳

姓名其匿名書及風聞事者並望止絕論者韙之宋史列傳周廣順初

復遷兵戶二部世宗聞其亮直擢尚書右丞樞密直學士轉左丞

宏簡錄以備顧問宋史列傳歸讜性剛介號廉直言多忤物宏簡錄顯德三

年冬大宴廣德殿歸讜酒酣揚袂言曰至於一栢而已世祖合黃

門扶出之歸讜回顧曰陛下何不決殺趙守微守微者本村民因獻策擢拾遺有妻復娶又言涉指斥坐決杖配流故歸讜語及之

翼日伏閣請罪詔釋之仍於閣門復飲以愧其心五年秋歸讜與百官班廣德殿外忽厲聲聞於帝詔奪一季奉

以來憲綱不振宋史列傳特命為御史中丞宏簡錄宋初遷刑部尚書建

隆三年復轉戶部尚書致仕宏簡錄乾德二年卒年五十七子定雍

熙二年進士及第宋史列傳

馬全義幽州薊人十餘歲學擊劍善騎射隸魏帥范延光帳下延

光叛晉祖征之以城降悉籍所部來上全義在籍中因補禁軍不

得志遁去李守貞鎮河中召置帳下宋史列傳始守貞聞杜重威死而

懼陰有異志乃招納亡命養死士通鑑二百九十一及守貞叛宋史列傳郭威

督諸將圍守貞於河中通鑑輯覽七十發諸州民夫二萬餘人剗長壕築

連城偃旗卧鼓番步卒以守之通鑑全義每率敢死士夜出攻周祖

壘多所殺傷守貞貪而無謀宋史列傳屢出兵欲突長圍皆敗而返通鑑

性又忌克全義屢為畫策皆不能用城陷遂變姓名亡命周廣順

初世宗鎮澶州全義往事之從世宗入朝案通鑑作故李守貞騎士馬全義從榮入朝全

又本名全義當是避宋太宗諱改義作义耳周祖召見補殿前指揮使宋史列傳謂左右曰

全義忠於所事昔在河中屢挫吾軍汝輩宜效之通鑑輯覽世宗即位

遷右番行省從世宗戰高平宋史列傳言於世宗曰賊勢極矣將為我

擒願陛下按輿勿動徐觀諸將破之即引數百騎進陷陣北漢兵

大敗通鑑以功遷散員指揮使從攻淮南以功遷殿前指揮使右番

都虞侯恭帝即位授鐵騎左第二軍都校領播州刺史宋史列傳宋初

歷內殿直都知控鶴左廂都校領果州團練使宏簡錄一百十七從征李

筠宋史列傳太祖自帥大眾與石守信等會大敗筠眾於澤州南筠走

保澤州列柵圍之通鑑城小而固攻之未下召全義賜食御榻前

問計對曰筠守孤城若併力急攻立可殄滅儻緩之適足長其姦

耳太祖曰此吾心也即麾兵急擊之宋史全義率敢死士數十人

攀堞而上通鑑為飛矢貫背流血蔽體全義拔鏃臨敵士益奮宋史

列傳遂入其城筠赴火死通鑑遷虎捷左廂都校領睦州防禦使又

從征李重進領控鶴虎捷兩軍為後殿宋史力戰有功累改龍捷

左廂都校江州防禦使宏簡俄被疾太祖遣太醫診視仍諭密旨

曰俟疾閒當授以河陽節制全義疾已亟但叩頭謝數日卒年三

十八特贈檢校太保大同軍節度使子知節宋史

知節字子元七歲父卒太祖軫念曰真羽林孤兒也召入內送國

子監賜今名玉壺清話太宗時以蔭補供奉官年十八監彭州軍以

嚴蒞眾憚之如老將宋史又監潭州軍慕何承矩以文雅飾吏治

因折節讀書宏簡錄一 雍熙間護兵博州契丹入邊宋史知節完

城繕甲儲積芻粟宏簡契丹聞其有備輒引去徙知定遠軍宋史

儲峙多陳時議調河南十三州轉他粟以餉軍適轉運使樊知古

至知節謀曰軍少粟多汰其紅腐尚當得十之六七知古從之宏簡

果獲粟五十萬斛分給諸屯遂省河南之役宋史寇至部民入

保卒有盜民婦首飾者宏簡護軍止答遣之知節曰民避外患而

來反罹內寇此而可恕何以肅下即命斬之宋史改知深慶二州

遷西京作坊使移梓州王繼恩討李順專權自恣宏簡惡知節不

附己宋史盡收其軍使守彭州付羸卒三百宏簡知節累請益兵

不從賊眾十萬攻城自晨抵晡士多死宋史乃橫槊潰圍出招援

兵鼓譟復入賊遂潰去太宗聞而壯之宏簡授益州鈐轄加益漢

九州都巡檢使宏簡會韓景祐帳下劉盱脅牙兵為亂連下州縣

錄

眾踰二千宋史知節引三百騎捕之盱走邳州知節乘勝急擊行

次方井鎮與盱遇盡殲其眾宏簡錄咸平初領登州刺史知秦州宋史

列傳悉還諸羗質子羗人感服訖終任不敢犯塞宏簡錄州有銀坑歲

久鑛竭課額弗除知節請蠲之章三上乃允遷西上閣門使兼本

路轉運使自乾德後歲漕蜀物動踰萬計時籍富民以部舟運坐

沈覆破產者眾知節請代督以省校而程其漕事自是蜀人賴以

免患宋史徒知延州兼鄜州駐泊兵馬都總管羗人以兵闖邊遇

上元節遽命張鐙啟關累夕宴會寇不測引去徙鎮州宏簡錄詔發

澶魏等六州糧輸定武時兵交境上宋史知節曰發糧適資盜耳

止令於舟車所至收之寇無所得遁去車駕在澶淵王超擁兵數

萬屯真定以中渡無橋為辭逗留不進知節移書誚讓且諭令度

材一夕而橋成超兵始出宏簡錄景德中徙知定州拜東上閣門使

宋史列傳 大中祥符五年九月以王欽若為樞密使知節為樞密副使

時天下久安王欽若眷遇日隆通鑑輯覽七十三 知節嘗斥其姦狀宋史

若傳欽若每奏事必懷數奏但出一二匿其餘退則以己意稱上旨

行之知節嘗於帝前顧欽若曰懷中奏何不盡出之嘗與欽若爭

論上前退見王旦辭色猶怒甚曰知節幾欲以笏擊死之但恐驚

君相耳通鑑當是時大臣方言符瑞而知節每不然之嘗言天下

雖安不可忘戰自陳年齒未衰尚可驅策如邊方有警願預其行

上以為然因命製銅鐵鎖子甲以賜焉宋史七年出為潁州防禦

使知潞州復移天雄軍以疾乞罷除彰德軍留後知貝州卒於相

州年六十五贈侍中諡正惠宏簡錄知節將家子宋史慷慨以方略

自任所與善必一時豪傑性剛直敢言不肯稍有卑屈天下稱其

直通鑑東封後上每巡幸必命為都部署許以專殺部分嚴明未

輯覽

嘗輒戮一人宋史列傳

竇儀字可象薊州漁陽人曾祖遜玉田令祖思恭媯州司馬父禹

鈞與兄禹錫皆以詞學名禹鈞唐天祐末起家幽州掾宋史竇儀傳為

左諫議大夫致仕范文正公竇諫議事跡記生五子儀儼侃僖等相繼登科時

號竇氏五龍玉壺清話一儀年十五能屬文及長學問該博風度峻整

宏簡錄一天福中舉進士景延廣為侍衛軍帥以儀為記室延廣

百二十四東都事略三十開運中楊光遠以青州叛

歷滑陝孟鄆四鎮儀皆在幕府東都事略三十開運中楊光遠以青州叛

時契丹南侵博州刺史周儒以城降儀謂執政曰國家若不以其

將重兵控博州渡必恐儒引契丹踰東岸與光遠兵合則河南危

矣俄而儒果引契丹渡河增置壘柵宋史列傳漢初召為左補闕禮部

員外郎周廣順初知制誥遷翰林學士禮部郎權知貢舉尋以父

病乞解官宏簡錄世宗親加慰撫手封金丹俾賜其父父卒歸葬洛

陽終喪拜端明殿學士從征河南判行在三司恭帝即位遷兵部

侍郎使南唐既至將宣詔會雨雪李景請於廡下拜受儀曰將國

命不敢失舊禮儻以沾服失容請俟他日景即拜命于庭宋史列傳宋

初遷工部尚書兼判大理奉詔同修刑統宏簡錄儀言周刑統科條

繁浩或有未明請別加詳定凡削出合式宣勅一百九條增入制

敕十五條又錄律內餘條准此者凡四十四條附於各例之次並

目錄成三十卷取舊削去格合宣勅及後來續降者凡一百六十

條為編勅四卷海玉判太常寺議立四親廟通鑑輯覽七十一會翰林學士

王著以酒失免官宋史列傳太祖謂宰相曰深嚴之地當以宿儒處之

范質曰竇儀清介重厚然已自翰林遷端明矣太祖曰禁中非此

人不可卿當諭以朕意即日再入翰林為學士東都事略太祖初有事

於太社時國中墜典中一作初多或未修太社祝文亦亡舊式詔詞臣

各撰一文謄錄糊名以進上覽之謂左右曰皆輕重失中獨御書
親點一文曰惟此庶乎得體開視之乃儀撰者玉壺清話乾德二年
范質等三相同罷命趙普為同平章事上問質等既罷普勅孰當
署陶穀建議今尙書乃南省六官之長當署勅儀曰穀所陳非承
平之策皇帝開封尹同平章事宏簡錄即宰相之任也太祖曰儀言
是東都事略嘗召儀草制至苑門見宋主岸幘跣足而坐卻立不肯進
日陛下創業垂統不以禮示天下恐豪傑聞而解體宋主歛容謝
之通鑑初周祖平兗州議將盡誅脅從者儀白馮道范質同請於
周祖皆得全活顯德中太祖克滁州世祖遣儀籍其府庫太祖復
令親吏取藏中絹給麾下儀曰太尉初下城雖傾藏以給軍士誰
敢言者今既著籍乃公帑物也非詔不可取後太祖屢對大臣稱
儀有執守宋史列傳乾德改元帝命宰相擇前代未有者至三年平蜀

見入內宮人鏡背有乾德四年字問廷臣無知者宏簡錄召儀問之
儀對曰此必蜀物蜀主王衍嘗有此號通鑑帝大喜曰宰相須用
讀書人宏簡錄由是益重儒者每對大臣言欲用儀為相趙普忌其
剛直通鑑陶穀在翰林與儀不協儀有公望慮其軋已嘗附普與
趙逢高錫輩共排儀儀終不至相位宋史陶穀傳及儀卒太祖閱然謂
左右曰天何奪我寶儀之速耶蓋惜其未大用也宋史列傳卒年三十
三贈右僕射宏簡錄
儼字望之宋史寶儀之仲弟也翰苑舉進士為天平軍掌書記拜左
拾遺東都事畧開運中諸鎮恣用酷刑儼上疏曰案名例律死刑二絞
斬之謂也大辟之目不出兩端淫刑之興近聞數等蓋緣外地不
守通規或以長釘貫人手足或以短刀斃人肌膚遷延信宿不合
就死冤聲上達和氣有傷望加禁止上從之儼仕漢為史館修撰

宋史周廣順初遷右補闕與賈緯王仲同修晉祖少帝漢祖三朝

實錄改主客員外郎知制誥俄除金部郎中拜中書舍人宏簡錄一百二

十時儀自閣下入翰林兄弟同日拜命分居兩制時人榮之宋史列傳

周世宗顯德五年冬將立歲仗前一日親至於樂懸之下問雅音

於工師皆不能答因令儼知太常卿事與樞使王朴同詳定之乃

用古累黍之法以審其度造成律准其形如琴而巨凡十三弦以

定六律六呂旋相為宮之義世宗善之翰苑羣書時世宗方切於治道

宋史列傳儼上疏請令有司討論禮儀考正鐘律作通禮正樂又論政

刑及勸農經武之要通鑑輯覽世宗多見聽納宋史列傳又以國家之方守

穀帛而已二者不出於國而出於民其道在天其利在地得其理

者蕃阜失其理者耗嗇民之顛蒙宜有勸教請於齊民要術及四

時纂要韋氏月錄中采其關於田蠶園圃之事集為一卷鏤版頒

行使之流布疏奏不報宋史列傳世宗觀大水泗州記以問儼儼以為

天地有五德曰潤曰暎曰生日成曰動五德陰陽之使陰陽水火

之本陰陽有常數水火有常分奇耦相半盈虛有準謂之通證羨

備過尤極無不至謂之咎證陰之始主於淵水之行紀於九六凡

千七百二十有八歲為浩浩之會雖堯舜在上不能免者數也若

夫辟狂臣專父昏不明苦雨數至水不潤下乃政之所致非數也

唐貞元壬申之水是已世宗甚善之拜翰林學士東都事略案

殿學士判院事父案翰苑羣書學士年表云正月自翰林學士中書舍人遷禮部侍郎六月卒宋初轉禮部侍郎

嘗與儀連翩知貢舉直內署時比之二陸焉翰苑羣書當是時祀事樂

章宗廟諡號多儼撰定議者服其該博宋史列傳年四十二以疾卒儼

負俊才對景覽古皆形諷誦與儀更迭唱和多至三百篇恆以道

義相敦厲性復夷曠好賢樂善優游策府凡十餘年撰周正樂成

一百二十卷藏於史閣有文集七十卷宏簡錄顯德中奉使荆南荆

南自唐季以來高氏據有其地雖名藩臣車服多僭侈踰制以至

司賓賤隸候館小胥皆盛服影纓與王人抗禮儼諷以天子在上

諸侯當各守法度悉令去之然後宣達君命宋史列傳太宗嘗晚坐崇

政殿召儼對上時燕服儼至屏間見之不進中使促不應上訝其

久不出笑曰豎儒以我燕服爾遽命袍帶儼遂趨出王文正筆錄尤善

推步星厯逆知吉凶宏簡錄與盧多遜楊徽之同在諫垣預謂二公

曰丁卯歲五星當聯珠於奎奎主文又在魯分自此天下始太平

二拾遺必見之老夫不與也果在乾德丁卯歲五星連珠於奎太

宗鎮兗海其明博如此玉壺清話二又言儼家昆弟五人皆登進士第

可謂極盛然無及輔相者惟儼稍近之亦不久居位卒如其言宏簡錄

傳字日章宋史列傳儀之弟也續資治通鑑周廣順初宋史列傳舉進士東都事略

三補單州軍事判官遷秘書郎宏簡錄一出為絳州防禦判官宋史列傳

傳宋初歷武甯軍掌書記西京留守天雄歸德軍節度判官宏簡錄

開寶六年拜右補闕知宋州嘗作遂命賦以自悼宋史列傳太宗領開

封尹以儼為判官賈玟為推官東都事略賈能先意希旨儼嘗疾之帝

與諸王燕射賈侍帝側稱贊德美詞多矯誕儼叱之曰賈氏子巧

言令色豈不愧於心哉坐皆失色帝亦為之不樂因罷會續資治通鑑

白太祖黜為彰義軍節度判官東都事略太平興國五年車駕幸大名

府宋史列傳案東都事略作太平興國四年太宗幸大

名考續資治通鑑宏簡錄皆從宋史作五年今從之帝思見

儼促召至行在續資治通鑑拜比部郎中宏簡錄時方議北征儼因抗疏

請還都休士養馬徐為後圖帝悅其言續資治通鑑歸以儼為樞密直

學士賜第一區六年遷左諫議大夫充職宋史列傳七年拜參知政事

錄宏簡帝謂傅曰汝自揣何以至此傅曰陛下念藩邸之舊臣出於際會帝曰非也乃汝嘗面責賈玟賞卿之直爾續資治通鑑是秋卒駕

臨哭贈工部尚書明日太宗宴會羣臣以傅喪故罷傅嘗與丁顥

同幕宋史作顥子謂尚幼傅見之曰此子後必以文致遠即以子

妻之後果至宰相東都事略太祖嘗謂宰相曰近朝卿士竇儀質重嚴

質有家法閨門雍睦人無調語諸弟不能及僖亦中人材爾傅有

操尚可嘉也宋史列傳

張藏英涿州范陽人自言唐相嘉貞之後宋史列傳唐末舉族為賊孫

居道所害藏英年十七僅以身免一統志後逢居道於幽州市引佩

刀刺之不死為吏所執節帥趙德鈞壯之釋而不問以補牙職宋史

列傳居道遁關南求為都巡使至則微服攜鐵搗潛匿舍側伺居

道出擊仆於地先齧其耳噉之擒以歸設父母位縛居道筵前號

泣鞭之鬻其肉三日刻心以祭徐詣官首服詔免死燕薊間目為

報讐張孝子契丹聞其名宏簡錄一百五十七用為盧臺軍使兼權鹽制鹽

使領坊州刺史周廣順三年率內外親屬並部兵千餘人及煮鹽

戶長幼七千餘口牛馬萬計舟數百艘泛海至滄州宋史列傳刺史李

暉以聞周祖頗疑之令館於封禪寺賜襲衣銀帶錢絹銀器鞍勒

馬世宗即位授德州刺史召對便殿詢以備邊之策請於深州李

晏口置砦誘境上亡命以隸軍願為主將得便宜討擊世宗悉從

之宋史列傳除緣邊招收都指揮使賜名馬金帶令募勁兵數千築城

李晏口宏簡錄會鳳翔節度王彥超巡邊為契丹所圍藏英率新募

兵馳往擊之契丹解去改濮州刺史仍領邊任契丹將高牟翰以

精騎數千擾邊藏英逆擊於胡盧河自旦至晡殺傷甚眾後領兵

巡樂壽契丹驍將姚內斌偵知藏英兵少以精騎二千陣於縣之

北藏英率麾下擊之士皆殊死戰內斌遂解去世宗降璽書褒美

宋史列傳

從世宗征契丹

涼水記聞為先鋒都指揮使

先往說下瓦橋關乃單騎往城下呼曰汝識我乎我張盧臺也因

陳世宗威德曰非汝敵也不下且見屠藏英素為燕人所信重契

丹遂自北門遁去城人開門降

涼水記聞

安縣又改關南排陣使宋初遷瀛州團練使并護關南軍

宋史列傳

隆三年卒於治所年六十九

宏簡錄孫鑑

鑑字德明幼嗜學

宏簡錄一百五十七

入衛州霖落山肄業凡十餘年太平

興國三年擢進士第

宋史列傳官大理評事

善大夫知婺州遷著作郎監察御史

宋史列傳

奉詔決獄江左頗雪冤

滯歷殿中侍御史

宋史列傳

太宗討幽州鑑極言不可時以燕人沮議

非之後果驗命掌左藏判三司度支請併三部憑由催欠為一從

之李惟清薦其能擢江南轉運使

宏簡錄

本部有大姓為患者鑑以

名聞太宗盡令部送魁首及妻子赴闕以三班職名羈縻之江左

震肅又建議割瑞州清江吉州新淦袁州新喻三縣置臨江軍時

以為便

宋史列傳

召還特被慰獎累遷樞密直學士掌三班詔磨勘供

奉官以下校其殿最為沮勸會三司奏分左右計鑑以為非便

尋詔復舊

宏簡錄

許讓知益州歸首奏乞為劍外之備既而李順果

叛朝廷遣王繼恩討之既平除張詠知益州繼恩等素失督御之

略師旅驕很詠密奏乞命近臣分屯師旅以殺其勢朝廷命鑑往

按

王壺清話張鑑吳本作張鑑考宋史及宏簡錄皆張鑑事今從之

上召對後苑鑑奏曰成都新

復軍旅未和聞使命遽至貿易戎伍慮有猜懼變生不測乞假臣

一安撫之命臣至彼自措置上嘉納

王壺清話

至即遣戍卒出境令麾

下使臣東還督繼恩分捕殘寇招輯反側事平拜左諫議大夫久

之五路進兵討西夏宏簡錄令鑑乘傳往環州與李繼隆議護送芻

糧入靈州尋詔以軍興法從事饋運頗集宋史列傳還言關輔民窮力

盡靈州僻居絕塞實中夏蠹區願陛下以賜繼遷稍息飛輓之苦

無使重勞宏簡錄真宗卽位遷給事中咸平初改工部侍郎出知廣

州二年民條其政績上請刻石三年移知朗州溪洞羣居蠻數寇

擾鑑召豪酋諭以威信皆俯伏聽命宋史列傳徙相州有芝草生於監

牧之室鑑表其祥以為河朔弭兵欵附之兆優詔答之宏簡錄景德

初卒年五十八宋史列傳

李瓊字子玉幽州人祖傳正涿州刺史父英涿州從事宋史列傳瓊少

好學涉獵史傳杖策走太原欲干唐莊宗會募勇士通鑑補一百九十三卽

應募與周祖等十人約為兄弟宋史列傳各刺臂出血誓曰凡我十人

龍蛇混合異日富貴幸無相忘瓊心知周祖非常人情好尤密宏簡

錄一百一日過瓊見其危坐讀書因問所讀何書瓊曰此闔外春

秋所謂以正守國以奇用兵較存亡治亂記賢愚成敗皆在此也

周祖令讀之謂瓊曰兄當教我自是周祖出入皆袖以自隨遇暇

輒讀讀輒問瓊稱為師及討河中乃脫瓊兵籍令叅軍事守貞之

滅瓊有功焉通鑑補事平宏簡錄表於朝授朝散大夫大理司直宋史列傳

歲中遷太子洗馬宏簡錄周祖鎮鄴表為大名少尹廣順初拜將作

監充內作坊使賜金紫連知亳陝二州改濟州刺史宋史列傳世宗初

遷洛州團練安州防禦使治郡尚寬簡宏簡錄民請立碑頌德詔中

書舍人竇儀撰文賜之宋史列傳宋初召為太子賓客建隆三年上章

請老改右驍衛上將軍致仕宏簡錄瓊信釋氏明年四月八日詣佛

寺遇疾歸至暮卒年七十三贈太子少師宋史列傳

劇可久字尚賢涿州范陽人沈毅方正明律令與馮道趙鳳為友

宋史後唐同光初補徐州司法以幹職聞由大理評事遷寺正仕
列傳 晉歷殿中少監太子右諭德大理少卿賜金紫宏簡錄一百二十七 晉祖崩
 可久方在病告有司糾以不赴國哀坐免未幾復官遷大理卿周
 廣順初改太僕卿復為大理卿會鄭州民李思美妻詣御史臺訴
 夫私鬻鹽罪不至死判官楊瑛實以大辟有司攝治瑛瑛具伏可
 久斷瑛失入減三等徒二年半王峻欲殺瑛召可久謂之曰死者
 不可復生瑛枉殺人其可恕耶可久執議益堅瑛得免死宋史周
 主親錄囚於內苑有汝州民為吏所冤屢經覆按不能自伸周主
 臨問始得其實由是諸長吏無不親察獄訟通鑑 詔以律令文古
 難知勅格煩雜不一通鑑 以朝廷所用律疏三十卷式二十卷令
 三卷開成格十卷大中統類一十二卷後唐以來至漢末編勅三
 十二卷命可久及御史張湜率汀郎中鄧守中王瑩賈玘博士趙

礪李光贊大理正蘇曉中允王仲編集新格勅成部帙宏簡 於是
 中書門下奏曰伏以刑法者御人之銜勒救弊之斧斤有國家者
 不可一日而廢也雖堯舜之世亦不能捨此而致治今奉制旨刪
 定律令有以見明罰勅法之意也竊以朝廷之所用者律令則文
 辭古質或難以詳明格勅則條目繁多或有所疑誤將救舞文之
 弊宜伸畫一之規所冀民不陷刑吏有所守臣等商議律令之有
 難解者就文訓釋格勅之有繁雜者隨事刪削其有矛盾相違輕
 重失宜者盡從改正無或拘牽宋史 列傳 候畢日委御史臺尚書省四
 品以上及南省五品以上官參詳可否送中書門下議定從之五
 年書成凡三十卷名曰刑統頒之天下與律疏合式並行宏簡 在
 廷尉四十年用法平允以仁恕稱建隆三年改光祿卿致仕卒涿
吳志 案州志云可久仕周為右庶子與侍御史考宋史顯德三
年所舉官犯賊可久坐停任明年復起為右庶子並不載為侍御史

宏簡錄亦不載
疑係州志之誤
年七十七
宋史列傳

李懷忠涿州范陽人初名懷義太祖掌禁兵時隸帳下為散都頭

累遷殿前都指揮使都虞侯領開州刺史宋史列傳乾德中授東西班

都指揮從征晉陽宏簡錄一城未下東都事略契丹復遣南面大

王者將兵引北漢軍會暑雨軍士多疾宋史紀事本末太祖深恤士卒欲

班師懷忠言曰賊嬰城自守度其內無儲侍豈足久抗王師東都事略

若選勁兵急攻破在旦夕宋史紀事本末臣願奮銳為士卒先宋史列傳

作都虞侯趙廷翰請先登今從宋史帝壯之俾率眾攻城戰不利懷忠中流矢幾死

宋史紀事本末還授散指揮富州團練使歷日騎左右廂都指揮使宏簡錄

太祖幸西京東都事略愛其形勢得天下中有留都意宏簡錄懷忠乘間

言曰汴都歲漕江淮米四五百萬斛贍軍數十萬計帑藏重兵在

焉東都事略根本安固已久一旦遽欲遷徙臣實未見其利太宗即位

改領本州防禦使稍遷侍衛步軍都虞侯宋史列傳領大同軍節度使

三年改步軍都指揮使宏簡錄五月卒贈侍中宋史列傳

田重建幽州人案玉壺清話形質奇偉有武力周顯德中應募為

卒隸太祖麾下宋史田重進傳陳橋還遷御馬軍使積功至襄州刺史宏簡錄

錄一百二十三太平興國四年從征太原還錄功擢為天德軍節度使六

年改侍衛步軍指揮使八年改領靜難軍節度使宋史列傳九年河大

決滑州之韓村泛澶濮曹濟諸州壞民田廬帝曰韓村堤久不成

通鑑輯覽安可重困吾民當以諸軍代之乃發卒五萬以重進領其役

通鑑紀事本末河遂塞雍熙中宋史列傳賀懷浦將兵屯三交與其子合圖上

言契丹主少母后專政寵倖用事請乘其釁以取燕薊帝信之以

曹彬為幽州道行營都部署重進為定州路都部署出飛狐契丹

西南面招討使大鵬翼率眾來拒重進命部將荆嗣以五百騎禦

之契丹兵二萬力不敵時譚廷美屯小沼嗣請廷美列隊平州別遣二百人執白幟於道側嗣以所部疾驅往鬪契丹兵見旗幟綿亘疑大軍繼至欲遁去重進乘之契丹兵奔潰生擒大鵬翼飛狐靈邱皆降通鑑輯覽 案宋史云用袁繼志計伏兵飛狐南口擒契丹騎將大鵬翼及其監軍馬贊副將何萬通并渤海軍三千餘人斬首數千級俘獲以萬計逐北四十里宏簡錄云以其縣為飛狐軍均與此所載互異進攻蔚州其牙校李存璋等殺首帥蕭啜埋執耿紹忠率吏民來附會曹彬之師不利乃命重進董師駐定州宋史 列傳遷駐泊兵馬都部署明年率師入遼境攻下岐溝關殺守城兵千餘及獲牛馬輜重以還宏簡錄以功改彰信軍節度使徙鎮成德永興改知延州復還鎮卒年六十九贈侍中重進樸愿不知書太宗在藩邸愛其忠勇嘗遺以酒炙不受東都事略使者曰此晉王所賜也重進曰為我謝晉王我知有天子爾卒不受太宗嘉之既即位謂其無私交故始終委遇焉東都事略

後鄭文寶出漕陝右上囑曰田某先朝宿將勇毅宣力卿為朕善待之玉壺清話七

呂餘慶幽州安次人名犯太祖諱遂以字稱焉東都事略三十祖充父琦自有傳餘慶以蔭補千牛備身歷開封府參軍遷戶曹掾宋史 列傳晉少帝弟重睿領忠武節度以為推官仕漢濮州錄事參軍顯德中太祖領同州節制聞其材奏為從事宏簡錄 九十九世宗問曰得非嘗為濮州糾曹者乎即以為定國軍掌書記世宗嘗鎮澶淵濮為屬郡故知其為人也宋史 列傳太祖歷滑許宋三鎮並在幕府案宋史作太宗歷滑許宋二鎮疑誤宏簡錄及即位召拜給事中端明殿學士東都事略琦於清泰中亦居是職官秩皆同時人榮之未幾知開封府太祖征潞及揚並領上都副留守建隆三年遷戶部侍郎宋史 列傳母憂服除當荆湖平出知潭與襄州宏簡錄遷兵部侍郎知江陵府宋史 列傳乾德二年

乙丑始置參知政事宋太祖宋主以趙普獨相欲置副而難其名稱

問翰林承旨陶穀曰下宰相一等有何官對曰唐有參知政事乃

以餘慶以本官參知政事通鑑蜀平知成都府以知政莅藩自餘

慶始也東都事略時盜賊四起軍士恃功驕恣大將王全斌等不能戢

下有軍士醉酒持刀奪買人物餘慶立捕之以徇軍中畏伏民用

安堵宋史就加吏部侍郎兼劍南荆南諸道都提舉三司水陸發

運使宏簡錄開寶六年與宰相更知政事印宋史初靈德驤之貶商

州也知州奚嶼希趙普意奏德驤怨望坐削籍流靈武其子有鄰

意普害之擊登聞鼓訴中書不法事宋主怒悉下御史獄鞠實始

疑普詔餘慶與普更知印押班奏事以分其權通鑑旋以疾上表

求解機務拜尚書左丞九年卒宋史年五十八按宋史宏簡錄皆作卒年五十贈

鎮南軍節度使餘慶厚重有守所至以寬簡治東都事略自太祖繼領

藩鎮餘慶為元僚及受禪趙普李處耘皆先進用宋史餘慶畧不

介意東都事略未幾處耘黜守淄州餘慶自江陵還太祖問處耘事餘

慶以理辨釋上以為實宋史餘慶知政事時會普忤旨左右爭傾

之東都事略餘慶獨辨明之太祖意稍解時稱其長者至道中以弟端

為宰相特詔贈侍中宋史列傳

端字易直以蔭補千牛備身仕周為直史館歸宋青箱雜記遷太常卿

知浚儀縣同判定州開寶中假太常少卿副郝崇信使契丹太宗

改司門員外郎宏簡錄知成都府為政清簡遠人便之宋史秦王

廷美尹京端充開封判官會征河東王當居守端曰主上櫛風沐

雨以申弔伐王地處親賢當表率扈從從之宏簡錄出知蔡州以善

政吏民列奏借留遷考功員外郎兼侍御史使高麗暴風折檣舟

人怖恐端讀書若在齋閣時宋史還遷戶部郎中兼判禮院俄拜

右諫議大夫許王元禧尹開封又為判官王薨坐神贊無狀左遷

衛尉少卿會置考課院凡引對負譴寘散秩者皆涕泣為請端直

陳無屈上知其無他命復舊宏簡錄逾月拜參知政事時趙普在中

書嘗曰吾觀呂公奏事得嘉賞未嘗喜遇抑挫未嘗懼亦不形於

言真臺輔之器也宋史列傳至道元年夏四月以端同平章事續通鑑或

曰端為人糊塗帝曰端小事糊塗大事不糊塗端持重識大體慮

與寇準同列而已先正台揆恐準不平乃請參知政事與宰相同

升政事堂通鑑輯覽七十三時同列奏對多有異議惟端罕所建明一日

內出手札戒諭自今中書事必經呂端詳酌乃得聞奏端愈謙讓

不自當宋史列傳李繼遷擾西鄙名臣言行錄曹璨自河西還言繼遷眾萬

餘方圍靈武城中告急端請發兵出麟府鄜延環慶三道以擣平

夏襲其巢穴則靈武之圍解通鑑輯覽保安軍奏獲繼遷母宏簡錄帝獨

與樞密副使寇準謀準欲斬於保安軍北門外以戒凶逆端曰必

若此非計之得也遂覆奏曰昔項羽得太公欲烹之高祖曰願分

我一杯羹夫舉大事不顧其親况繼遷悖逆之人乎陛下今日殺

之明日繼遷可擒乎若其不然徒結怨讐愈堅其叛心耳以臣之

愚宜置於延州使善養事之以招來繼遷雖不能即降亦可以繫

其心而母死生之命在我矣名臣言行錄上撫髀稱善即用其策曰微

卿幾誤大事母後病死繼遷子竟納款請命皆端力也宏簡錄進門

下侍郎兼兵部尚書太宗不豫真宗為皇太子端日與太子問起

居宋史列傳宣政使王繼恩忌太子英明陰與參知政事李昌齡知制

誥胡旦等謀立楚王元佐及帝崩皇后令繼恩召端端知有變即

給繼恩入書閣鎖閉之亟入宮通鑑輯覽后問所應立端曰先帝建儲

正為今日今始棄天下豈可遽違命有異議耶宏簡錄乃奉太子至

福甯殿即位垂簾引見羣臣端平立殿下不拜請捲簾升殿審視然後降階率羣臣拜焉宋史紀事本末貶昌齡忠武軍司馬繼恩均州安

置且除名流潯州真宗每見輔臣入對惟於端肅然拱揖不以名

呼宋史列傳又以端軀體洪大宮廷陸峻特令梓人為納陛以目疾求

解政柄授武信軍節度使卒年六十六贈司空謚正惠通鑑輯覽端有

器量厚多恕屢經擯退未嘗以得喪介懷善與人交輕財好施未

嘗問家事名臣言行錄李惟清自樞密改中丞意端抑之構人訟堂吏

過失欲以中端端曰吾直道而行何所愧畏耶同郡趙玉常脫端

父於難端感其恩視玉孫紹宗如己子宏簡錄表薦賜出身馮道鄉

里世舊子正之病廢端分俸給之端兩使絕域其國歎重之後有

使往者每問端為宰相否其名顯如此宋史列傳子荀藩蔚貧匱又迫

婚嫁因質其居第真宗出內府錢五百萬贖還之又別賜金帛俾

償宿負遣使檢校家事名臣言行錄藩荀皆至國子博士蔚至太子中

舍宋史列傳案宏簡錄作子四人藩荀蔚藹藩太子

劉載字德輿涿州范陽人宋史列傳六世祖濟唐盧龍節度父昭下蔡

令載清泰中舉進士晉初歷校書郎著作佐郎賜緋由左拾遺拜

集賢殿直學士漢初為殿中丞侍御史宏簡錄一百五十七丁內艱服闋復

拜舊官判西京留臺改倉部員外郎嘗著五論曰為君為相為將

去讒納諫為文士所稱世宗初擢知制誥宋史列傳顯德三年拜右諫

議大夫與拾遺鄭起博士李甯同校道書宏簡錄世宗末年通鑑紀事本末

留心農事通鑑輯覽七十一嘗命官詣諸州度民田通鑑紀事本末遷給事中使

許州定田租俄賜金紫為魏王符彥卿加恩國信使宋史列傳宋初命

載護役宏簡錄濬五丈渠續資治通鑑案宋史及宏簡錄皆作通

東方之漕續資治通鑑建隆四年貝州節度使張光翰來朝遣載權知

州事光翰歸鎮載還知貢舉乾德初掌建安權貨物宋史列傳六年為

江南國主生辰使召還知鎮州坐與何繼筠不協改山南東道行

軍司馬十年不召嘗受詔權點檢州事宏簡錄太平興國初復入為

給事中三年出知襄州六年代還告老宋史列傳改工部侍郎致仕卒

年七十一平生敦尚名節好學博通史傳善屬文嘗受詔撰明憲

皇后謚冊文又作弔戰國賦萬餘言行世子宗言賜出身至比部

郎中宏簡錄宗望景德二年進士及第祥符四年其孫介以載文集

來獻以為試將作主簿宋史列傳

扈蒙字日用幽州安次人宋史列傳曾祖洋涿州別駕祖智周盧龍軍

節度推官父曾內園使宏簡錄百二十四蒙少能文晉天福中舉進士入

漢為鄆縣主簿宋史列傳郭從義討趙思綰命郡縣吏皆戎服見獨蒙

衣冠褒博舉止舒緩從義訝之運使李穀言蒙文學名流遂不之

問宏簡錄周廣順中從歸德軍節度趙暉為掌書記召為右拾遺直

史館知制誥蒙從弟載時為翰林學士兄弟並掌內外制時號二

扈宋史列傳宋初由中書舍人遷翰林學士宏簡錄坐請託於同年仇華

黜為太子左贊善大夫宋史列傳遷左補闕掌大名市征建隆六年復

知制誥充史館修撰開寶中與李穆等同修五代史詳定古今本

草連知貢舉上書言昔唐文宗每召大臣問事必命起居人及舍

人執筆立於殿側以紀時政故文宗實錄稍為詳備至後唐明宗

亦命端明樞密學士等輪修日歷送史官宏簡錄近來此事都廢每

季雖有內殿日歷樞密院錄送史館然所記者不過臣下對見辭

謝而已帝王言動莫得而書緣宰相以漏泄為虞昧於宣播史官

疏遠何得與聞宋史列傳凡自今凡有裁制之官優恤之言發自宸衷

可書簡策者並委宰臣參政每月輪知鈔錄以備史官撰集從之

宏簡錄 乾德九年正月乾元殿受降王朝蒙參定其議有李朴請誅

之制甚繁具本文蒙繼上聖功頌次年將東封又進御劄草上愛

之批於紙尾獎之云聖功頌及此文無一字可議玉壺清話七 為盧多

遜所惡出知江陵府太宗即位召拜中書舍人宋史列傳 復翰林學士

與李昉同修太祖實錄宏簡錄 後應制後苑詩有微臣自愧頭如雪

也向鈞天侍玉皇上和以賜玉壺清話 太平興國四年從征太原還遷

戶部侍郎加承旨宋史列傳 雍熙三年被病以工部尚書致仕卒年七

十二贈右僕射為人性沈厚不言人是非好釋典不喜殺宏簡錄 摺

紳稱善人有笑疾雖上前不自禁宋史列傳 自張昭寶儀後典章儀注

皆所刊定然南郊定議後復以宣祖配天為識者所非宏簡錄 著述

有鼇山集二十卷行於世宋史列傳

張佶初名志言字仲雅宏簡錄 一燕人畿輔唐志七十一 案宋

南 父昉有史才歷知雜御史省郎至殿中少監宏簡錄 佶少有志節

涉獵書史善騎射有方略畿輔唐志 始用蔭補殿前承旨以習儒業獻

文求試換國子監丞遷著作佐郎監三白渠知涇陽縣宋史列傳 端拱

初為太子右贊善大夫命案曹州民被誣殺人者發奸摘伏民冤

得雪至道中通判陝州部送芻糧赴靈武就改國子博士宏簡錄 咸

平初擢為陝西轉運副使賜緋魚至延安遇夏人入寇親督兵擊

敗之三年徙西川轉運副使時詔討王均宋史列傳 餽餉有勞遷虞部

員外郎賊平分川陝為四路授利州路轉運使有薦其武幹者召

還授如京使歷涇原麟府鈐轄兼知鎮戎軍宏簡錄 夏人來寇佶率

兵與戰親射殺酋帥俘獲甚眾詔書褒之賜錦袍金帶宋史列傳 景德

中徙益州鈐轄領宜州刺史遷文思使御軍撫民頗有威惠蜀人

懷之宏簡錄 大中祥符四年車駕祀汾陰以為西京舊城巡檢鈐轄

禮成加授北作坊使充趙德明官告使又為鄜延鈐轄會秦州李

濬暴卒上語近臣曰天水邊要宜速得人馬知節稱信可任上然

之遂改麒麟使就命知秦州至州宋史置大落門新砦先是信欲

遂近渭置采木場蕃族聞之即徙帳去信不能遂撫之戎人輒悔

因鄉導鈔劫信深入掩擊悉敗走至是求和信不許宋史吐蕃傳邊事

數擾朝廷始務甯遠以信輕言易事徙邠甯路鈐轄宋史天禧初

召為契丹國信副使再遷西上閣門使涇原鈐轄卒年六十九宏簡

高彥暉蔚州漁陽人仕契丹為瀛州守將世宗北征宋史帥步騎

數萬直趨契丹之境通鑑補二御龍舟至益津關通鑑登陸而

西至瓦橋關侍衛親軍都指揮使李重進等引兵繼至彥暉舉城

降通鑑遷耀階二州刺史宋史宋師伐蜀為歸州路先鋒都指揮

使宏簡既而帝詔發蜀兵赴汴優給裝錢王全斌等擅滅其數蜀

兵忿怨行至綿州遂作亂眾至十餘萬推文州刺史全師雄為帥

通鑑紀事本末崔彥進遣彥暉與田欽祚共討之至導江與賊遇宋史賊

據要路設伏竹箐中官兵不利彥暉語欽祚曰日暮矣賊勢益張

請收兵詰朝與戰宏簡欽祚欲遁慮賊曳其後乃給之曰公食厚

位遇賊畏縮何也宋史彥暉亟揮兵進欽祚潛遁去彥暉獨與部

下十餘騎力戰皆死之時年七十彥暉老將練習邊事上問其沒

甚痛惜之命優卹賜其家粟帛宏簡

張玉字寶臣保定人以六班散直隸狄青麾下宋史夏元昊反宋

儂智高反東都事略六十二狄青夜度崑崙關通鑑輯覽七十五出歸仁鋪東都事略

玉為先鋒續資治通鑑五十三賊悉其眾列三銳陣以拒官軍執大盾標槍

衣絳衣望之如火及戰前軍稍卻續資治通鑑玉率右廂突騎橫貫賊

壘賊大潰宋史列傳斬首二千二百級智高縱火焚城而遁東都事略廣南

悉平通鑑輯覽帝召見使作銳陣於殿廷下觀破賊之勢擢為廣西鈐

轄徙大名進龍神四廂都指揮使為副都總管宋史列傳夏人攻大順

城玉乘夜率兵三千擊之賊驚而去宏簡錄累遷昭州防禦使徙涇

原熙甯中慶州卒叛玉襲逐于石門卒窮蹙請降玉斬二百人坐

奪職降為陵州團練使居數月復之宋史列傳王韶開熙河轉宣州觀

察使宏簡錄為副都總管河北置三十七將按宏簡錄作二十七將以玉為第

一宋史列傳終馬步軍都虞侯贈建雄軍留後宏簡錄

李涪頤字子修香河劉志按畿輔唐志今據縣志改香河人知祥符縣畿輔唐志

七十 熙甯中青苗法行香河劉志以常平糴本作青苗錢散與人戶令

出息二分春散秋歛宋史王安石傳司農符檄日夜下青苗責保任追胥

苛切宋史安計息不及則黜降諸吏畏罪所散惟恐其少畿輔唐志奉

行之吏或迎合求進宋史安涪頤獨貸三之一畿輔唐志相怒遂通判

廣信軍香河劉志後官至刺史畿輔唐志案香河志論云涪頤香河

知縣陳美申請入祠豈昔曾流寓彼地耶今據畿輔志香河志立傳

張世傑范陽人宋史列傳少從張柔成杞宏簡錄一百九十坐法當死亡命南

奔隸淮兵中無所知名阮思聰見而奇之言之呂文德南宋書文德

召為小校累功至黃州武定諸軍都統制宋史列傳攻安東州力戰與

高達援鄂有功轉十官宏簡錄尋從賈似道入黃州戰蕪草坪奪還

所俘遷環衛官宋史列傳歷知高郵州安東州咸淳四年北兵築鹿門

堡宏簡錄呂文德請益兵於朝調世傑與夏貴赴之及呂文煥以襄

陽降命世傑守鄂州南宋世傑將兵屯郢鄂在漢北以石為城新

郢城在漢南續資治通鑑世傑以鐵鉅鎖兩城南宋密植椿木水

中夾以礮弩凡要津皆施枘設守具元軍襲城世傑力戰元軍不

能前遣人招世傑不聽續資治通鑑伯顏陽攻嚴山隘潛舟自唐港入

漢東宏簡錄攻鄂鄂降世傑提所部入衛時方危急徵諸將勤王多

不至獨世傑來上下歎異南宋陳宜中疑世傑歸自元易其所部

軍續資治通鑑文天祥與世傑議以為淮軍堅壁閩廣全城若與敵血

戰萬一得捷則命淮師以截其後國事猶可為也宋史紀事本末世傑大

喜遂議出師宋季三朝政要五遣將取浙西諸郡復平江安吉廣德溧陽

諸城兵勢頗振宋史列傳秋七月世傑與劉師勇孫虎臣等大山舟師

萬餘艘次于焦山合十舟為方碇江中流非有號令無得發碇示

以必死阿朮自石公山望之遂遣健卒善檝者千人載以艦分兩

翼夾射繼以火箭蓬檣俱焚煙焰蔽江諸軍死戰宋史紀事本末無敢發

碇赴江死者萬餘人宏簡錄世傑不復能軍奔圖山續資治通鑑上疏請

濟師不報宋史列傳德祐二年正月秀王與擇奉皇兄廣王昞皇弟益

王昺出宮航海世傑欲護駕入海乃去朝元丞相領兵進皋亭山

宋季三朝政要五世傑入定海石國英遣卞彪說之使降世傑以彪來從

已俱南也椎牛享之酒半彪從容為言世傑大怒斷其舌磔之巾

子山南宋景炎元年通鑑輯覽二月廣王益王由海道趨温州宋

三朝政要六世傑亦以所部兵來温之江心寺通鑑四月從二王入福

州案宋季三朝政要作三月五月與宜中奉昞為主拜簽事樞密

院事宋史列傳元兵逼行都世傑備海舟於岸奉景炎帝益王楊淑妃

等登舟宋季三朝政要六帝至泉州泊於港招撫使蒲壽庚來謁請駐驛

世傑不可初壽庚提舉市舶擅舶利者三十年或勸世傑留壽庚

不遣則凡海舶不令自隨世傑不從既而舟不足乃掠其舟並沒其賞壽庚怒宋史紀事本末以泉州降通鑑世傑乃自將陳弔眼許夫人

諸翼軍攻蒲壽庚不下十月元帥峻都遣人招益王又遣經歷孫

安甫說世傑降世傑拘之軍中不遣招討劉深攻淺灣世傑兵敗

移王居井澳深復來攻井澳世傑戰卻之因徙礪州宏簡錄景炎三

年帝殂衛王昺立南宋書拜世傑少傅樞密副使封越國公世傑以

礪州不可居宋史列傳復徙居新會之崖山宏簡錄崖山在海中兩山相

對中有一門可以藏舟宋季三朝政要六世傑以為天險可守乃遣人入

山伐木造行宮三十間軍屋三千間正殿三慈元楊太后居之續資治

口則我不可進退盍先據海口幸而勝國之福也不勝猶可西走

世傑恐久在海上有離心動則必散乃曰頻年航海何時已乎今

須與決勝負悉焚行朝草市宋史列傳結大舶千餘作一字陣宋史列傳

要云世傑不守三門集舟千餘作一字陣宋史列傳御之而大兵入山門作長蛇陣對之

碇海中中艦外軸貫以大

索四周起樓柵如城堞奉帝居其間為死守計人皆危之宋史紀事本末

已而宏範兵至據海口宋史列傳斷宋軍汲路世傑舟堅不能動宏範

乃舟載茅茨沃以膏脂乘風縱火焚之世傑戰艦皆塗泥縛長木

以拒火舟不熟宏範無知之何時世傑有韓氏甥在軍中續資治通鑑

宏範三使韓招世傑世傑不從曰吾知降生且富貴但義不可移

爾因歷數古忠臣以答之通鑑二月宏範等攻崖山宋史列傳世傑以

淮兵殊死戰俄有一舟檣旗仆諸舟之檣旗皆仆世傑知事去乃

抽精兵入中軍諸軍皆潰宏範麾軍進薄中軍會日暮風雨昏霧

四塞咫尺不相辨世傑乃與蘇劉義斷維以十六舟奪港而去通鑑

覽後還收兵崖山劉自立擊敗之降其將方遇龍葉秀榮張文秀

覽

等四十餘人世傑復欲奉楊太后求趙氏後而立之宋史列傳乃舟艤

南恩之海陵山散潰稍集宋史紀事本末颶風復大作將士勸世傑登岸

世傑曰無以為也登柁樓露香祝曰我為趙氏亦已至矣一君亡

復立一君今又亡我未死者庶幾敵兵退別立趙氏以存祀耳今

若此豈天意耶風濤愈甚世傑墮水溺死續資治通鑑案考異

於海陵山下與經世大典同宋史忠義張世傑傳作平章山下與

元史異癸辛雜志云張世傑之戰海上也嘗與祥興之主約曰萬

一事不可為則老臣必死於戰有沈香一株重千餘兩是時當焚

此香為驗或香煙及御舟可即遣援兵或不然宜速為之所無墮

其計中也及崖山之敗張儼然立船首焚香拜天曰臣死罪無以

報國不能翊運輔主惟天鑒之尚有將佐三十餘亦立其後如此

者一晝夜從者亦聳立不少動既而北軍擁至篙師亦皆乘小舟

逃去風起浪湧舟遂沈溺者甚眾是以世傑與宋主為同時溺死

疑係傳聞之誤也據楊太后墓在崖山則世傑復至崖山當得其

實又據宋季三朝政要張世傑奉楊太后以小舟奔則世傑復至

崖山必奉太后以來可知今從宋史著崖山之再敗而

其遇風覆溺在海陵山下則從宋史紀事本末諸書云

華陽吳祖椿校

